


254
4022
9


蘇湖九江朱氏家譜卷九



世 孫學懋初輯

十五世 孫宗琦續脩

十六世 孫士



十七世 孫士仁編校

十世 孫昌瑤續脩

十七世 孫西長

福元

十六世 孫登元捐刊

顯元

墳塋譜

墓域二 外祖墓附

墓域 以宗支為次

九世芬泉公妣曾氏合葬庶 雁山大豐人峯 丑癸嚮 旋江

公墓域 國朝 一年癸未脩



連台公妣黃氏合葬墓如陳氏陪葬墓在本鄉蝸山鄉志作花

山辛嚮附葬九迥光華公墓

懶庵公妣薛氏合葬墓在西樵山金甌村大富崗坤未嚮

附葬敬源公墓墓域 國朝乾隆五十一年丙午脩

念岡公妣關氏合葬墓在大同大塘岡艮丑嚮附葬愛竹公墓

左塘公妣岑氏合葬墓在本鄉象山庚申嚮荆宇公用偉公附葬墓內

並詳下墓域 國朝嘉慶十五年庚午脩

華石公妣曾氏合葬墓在本鄉西方龜山壬嚮

接源公妣關氏合葬墓在本鄉西方龜山壬嚮墓域 國

朝康熙十八年己未建

神岳公妣關氏繼妣梁氏合葬墓在新會大園村睡犬山



今隸鶴山縣 西庚嚮墓域明萬曆四十七年己未建

丙平公妣關氏合葬墓在新會大園村睡犬山今隸鶴山縣 庚

西嚮墓域 國朝康熙三十年辛未建

浩源公妣曾氏合葬墓在本鄉鎮山丁嚮附葬奇山公墓 墓域

國朝道光二十九年己酉脩

參吾公妣陳氏合葬墓在新會傑洲村官山嘴今隸鶴山縣 艮

寅嚮附葬念畦公墓

歲貢生海望公妣岑氏合葬墓在新會沙涌口馬山今隸鶴山縣

縣 午丙嚮墓地闊二丈五尺長二丈五尺

庠生粵珍公墓在大同松子岡己丙嚮墓域明桂王三年

己丑即順治六年建 欽差監督糧儲戶部江西清吏司



主事關家炳題墓

關家炳  
見上

念郊公墓在高明

據舊譜脩

高村嶺楓木樹下

據妣張氏墓誌參脩

妣張

氏別葬本鄉飛鳳山丁嚮墓域

國朝康熙十四年乙

卯建墓誌候選訓導族姪國材撰咸豐六年丙辰遷葬

大望山良寅嚮

明故念郊公淑配安人張氏墓誌

歲貢生 廷試第一吏部候選儒學訓導族姪

國材頓首拜撰

安人張氏本鄉大稔社張清周公之季女材伯念郊

公之淑配也生而幽靜不妄言笑以禮法自守歸相



念郊公恪執婦道里之人莫不重之念郊公喜治生  
會養活於高明縣之高村偶得疾而卒因葬於高村  
嶺之楓木樹下焉訃聞安人朝夕慟哭幾死者數以  
不得歸葬爲恨嘗謂其二子連珍啟隆曰汝父爲汝  
曹計不惜勤苦以殞其身汝曹若不發憤成人俾得  
改葬於本鄉吾死不瞑目矣二子唯唯佩之不忘二  
十年來家日寔昌遂謀所以改葬念郊公者壬子孟  
夏安人疾革復謂二子改葬爾父吾之初心顧道里  
遙遠歷年旣久夫何容易且自葬以來四十餘年汝  
曹頗能自立諸孫繼起焉知非吉地乎春露秋霜汝  
曹不以遠而時一瞻掃焉其爲孝也大矣卽不歸葬



而與余合庸何傷言終而逝於是念郊公遂不改葬  
而以今年十二月二十日丑時奉安人柩葬於本鄉  
鳳山坐癸嚮丁之原國材辱愛於安人無可以報安  
人者於其葬也揮淚而爲之誌公諱裔權字爵汝號  
念郊生於萬厯甲申年八月初二日丑時終於崇禎  
辛未年十一月十六日亥時享年四十有八安人生  
於萬厯戊子年九月二十九日申時終於康熙壬子  
年四月二十一日辰時享壽八十有五生男二孫六  
曾孫允仁等餘幼方興殆繩繩乎其未有艾也并誌  
康熙十四年歲次乙卯十二月二十日

覺岸公妣岑氏繼妣張氏合葬墓在本鄉西方龜山丁嚮

墓域 國朝康熙十四年乙卯建乙榜進士戶科右給

事中兼兵科給事中族弟伯蓮題墓

海岳公妣黎氏繼妣陳氏合葬墓在本鄉西方龜山丙嚮

墓域 國朝康熙十二年癸丑建乙榜進士關嘉薦題

墓

廣東通志關嘉薦南海縣人順治十一年甲午舉人亦見九江鄉志

節吾公妣梁氏合葬庶妣曾氏陪葬墓在本鄉蝸山鄉志作花

山 辛酉嚮附葬玩峯公墓墓域 國朝道光三十年庚戌脩

忠甫公妣關氏合葬墓在本鄉西方龜山已巽嚮附葬明字公墓

墓域 國朝咸豐十年庚申脩

寧宇公妣關氏合葬墓在本鄉龕貝山鄉志作龕山原嚮丁午



改嚮丙巳墓域 國朝道光二年壬午脩 字潛公附葬墓內詳下墓

地闊一丈九尺長二丈

亨宇公妣關氏繼妣劉氏合葬墓在本鄉龕貝山 鄉志作龕山

原嚮丁午改嚮丙巳 與寧宇公同墓素月公灣月公附葬墓內並詳下 墓域

國朝道光二年壬午脩

敬波公妣關氏合葬墓在本鄉西方龜山壬嚮 附葬樂波公墓 墓

域 國朝康熙十八年己未脩

都矯公妣岑氏合葬墓在本鄉象山艮寅嚮墓域 國朝

康熙元年壬寅建二十年辛酉二十九年庚午脩

庠生惟素公妣羅氏繼妣崔氏合葬墓在梅窑 據舊譜疑翰公注脩

謹按窑字不見所出蓋俗字也以舊譜原

注如此姑仍之

見庵公妣蕭氏墓在番禺峨旗山支峯白岳公墓右巽嚮

墓域明崇禎十年丁丑建

偶石公妣嚴氏合葬墓在大同馬鞍山未坤嚮墓域 國

朝康熙八年己酉建 賜進士出身奉政大夫脩政庶

尹吏部考功清吏司郎中前吏部驗封司郎中文選司

員外郎主事陝西鄉試正考官尹源進題墓 墓地闊一丈一尺長

二丈七尺

廣東通志尹源進東莞縣人順治十二年乙未進士

震岳公妣關氏合葬墓在本鄉西方龜山午嚮墓域 國

朝康熙二十二年癸亥建



清海公妣曾氏合葬墓在本鄉西方龜山午嚮與震岳公同墓

城 國朝康熙二十二年癸亥建

乙榜進士徵仕郎戶科右給事中兼兵科給事中中書科

中書舍人淨煥公妣封孺人陸氏合葬庶妣李氏林氏

梅氏陪葬墓在本鄉西方龜山壬子嚮墓域建脩年月闕墓

誌撰人官階名氏闕

明徵仕郎戶兵科給事中淨煥朱公墓誌

闕

公諱伯蓮字子敬號淨煥南海九江人進士中憲大

夫綱庵公長孫邑增生莘犁公長子性稟闕幼知

嚮學年十五充郡庠弟子員屢試俱優三蹶棘闈憤



思徙業庚午取中副榜癸酉以科考冠軍登賢書二十五名甲戌中會副歸任鄉事祖祠橋路悉力脩葺除暴安良遐邇德之集眾萬人公呈兩臺公不居功也伉儷賢淑中年多納妾媵爲廣嗣計李林梅馮媼睦宜家公四十筮仕初銓直隸無錫廣文挈眷與俱造就生童成進士者凡十八人雋一榜者指不勝屈時值兩京淪陷公長子培源始生踉蹌歸粵道經八閩擁立唐王明主公蒙恩遇擢中書舍人欽差回粵覃恩贈封考妣越年陞戶兵科給事中比聞 聖駕出延平親征亟趨行在爲時揆所阻咫尺不得見天子怏怏罷歸深痛朝事不可爲自此多隱少出矣



公艾年蚤休稍綜家政一子五女婚配俱卿相名族  
締親最喜舊知務省卜訪如憲副黃柏郁儀部黃穀  
野節推何蘭畹中翰吳幼賡縣正關思齋皆夙昔莫  
逆友也生平寡飲博文議論風生與羣眾談經書奧  
義言言透革後輩皆以先生長者稱之不獨及門爲  
然也長公壬子高雋副榜准貢入京才譽噪於一時  
公居家益高閒自得年及八旬豫卜龜山吉地壬子  
嚮厝元配封孺人陸太君暨李林兩安人柩俾得歸  
土爲安缺十  
二字高詠臨池垂三十年缺二  
字所著鑑咿集  
五卷韻言千餘首賦序數百則行世處人坦易爲懷  
多諧少怨盛德獲遐齡宜也公生萬曆癸卯六月初

六日

闕二十  
二字

元配陸太君生萬曆甲辰二月初十日

子時卒康熙丁巳年十一月十八日卯時享壽七十

有四李安人浙江仁和人享年四十七林安人福建

莆田人享年五十二梅安人順德排涌人享年

闕十  
八字

例得並勒於阡

闕

謹按裕齋公湛源公淨燠公皆自營生壙

其事亦肇於漢時漢孔耽碑云年踰皓首

縣車家巷觀金石之消知萬物有終始圖

千載之洪慮定吉兆於天府目睹工匠之

所營心欣悅於所處未又謂君年七十二



所自立作并作畜郭云云後漢書趙岐傳  
自爲春秋藏圖季札子產晏嬰叔向四像  
居賓位自畫其像居主位皆爲贊頌凡此  
皆生壙之權輿也唐書姚勛自作壽藏於  
萬安山署兆曰寂居穴墳曰復真堂列土  
爲牀曰化臺而刻石以告後世盧照隣隱  
具茨山下豫爲墓區偃臥其中李適營墓  
樹十松未病時嘗往寢石榻上置所撰九  
經要句及素琴於前司空圖作生壙每春  
秋佳日邀賓友游詠其上此則生壙之見  
於唐人者又唐碑高延福墓誌云謀龜筮

樂琴公遺書九  
相川原經兆域畚封隧自爲安神之所此  
亦自營生壙之辭

又按本誌石於撰人姓名立石年月與公  
及梅安人之卒葬皆空而未刻誌文疑出  
公生前所自撰考漢杜鄴趙岐皆自誌其  
墓唐一代人物則韓昶杜牧亦自爲誌文  
又有王徵君臨終口授銘其標題曰大唐  
中嶽隱君太和先生郎邪王徵君臨終口  
授銘下云弟紹宗甄錄則亦自撰也然諸  
碑皆具卒日王鐵夫謂未必人人自尅死  
期或作者旣歿而書碑者益之耳然則淨



燠公留而未刻尙爲質實

又按誌中稱公庚午取中副榜癸酉以科  
考冠軍登賢書考明史選舉志及南海魏  
志崇禎十二年始詔各省鄉試副榜准貢  
赴京考選知前此猶未准貢也文昌縣志  
又謂明制副榜尙稱庠生淨燠公繇副榜  
應科考以此

庠生庇亭公妣

旌表烈婦盧氏合葬庶妣

旌表烈婦

周氏李氏陪葬墓在新會水口雲堆村飛鳳山

今隸鶴山縣據

世紀  
脩

樂琴公妣黃氏合葬墓在本鄉大望山甲嚮

附葬莘犁公  
庶妣方氏墓



墓域 國朝乾隆五年庚申遷建

庠生毅庵公妣蘇氏合葬墓在本鄉大望山甲嚮

附葬莘  
稔公庶

妣方  
氏墓 墓域 國朝乾隆五年庚申遷建

舉人原任戶部郎中攝高明縣事贈奉議大夫光祿寺少

卿加贈嘉議大夫兵部左侍郎 諭賜祭葬 皇朝

賜諡烈愍祀忠義祠微龕公妣原封孺人晉封宜人加

封淑人區氏合葬庶妣蒲氏陪葬 賜塋在本鄉大望

山綱庵公墓下乙嚮 賜諡諭旨 國朝咸豐十年庚

申欽遵乾隆四十一年 上諭敬謹刊刻立石神道碑

襄陵知縣族孫次琦追撰

褒忠予諡



上諭

乾隆四十年十一月初十日奉

上諭崇獎忠貞所以風勵臣節然自昔累朝嬪代凡勝國死  
事之臣罕有錄予易名者惟我

世祖章皇帝定鼎之初於崇禎末殉難之大學士范景文等二  
十人

特恩賜諡仰見

聖度如天軫卹遺忠實爲亘古曠典第當時僅徵據傳聞未暇  
遍爲搜訪故得邀表章者止有此數迨久而遺事漸彰復  
經論定今明史所載可按而知也至若史可法之支撐殘  
局力矢孤忠終蹈一死以殉又如劉宗周黃道周等之立



朝嘗諤抵觸僉王及遭際時艱臨危授命均足稱一代完  
人爲褒揚所當及其它或死守城池或身殞行陣與夫俘  
禽駢僇視死如歸者爾時王旅徂征自不得不申法令以  
明順逆而事後平情而論若而人者皆無愧於疾風勁草  
卽自盡以全名節其心亦並可矜憐雖福王不過倉猝偏  
安唐桂二王并且流離竄跡已不復成其爲國而諸人茹  
苦相從舍生取義各能忠於所事亦豈可令其湮沒不彰  
自宜稽考史書一體旌諡其或諸生韋布及不知姓名之  
流並能慷慨輕生者議諡固難於概見亦當令俎豆其鄉  
太廟以昭軫慰嘗恭讀我

太祖實錄載薩爾滸之戰明楊鎬等集兵二十萬四路分入侵



我興京我

太祖

太宗及貝勒大臣等統勁旅數千殲戮明兵過半一時良將如

劉綎杜松等皆歿於陣近會親製書事一篇用揚

祖烈而示傳信惟時

王業肇基其抗我顏行者原當多爲獮薙然迹其冒鎬櫻鋒竭  
忠効命未嘗不爲嘉憫又若明社將移孫承宗盧象昇等  
之抗拒王師身膏原野而周遇吉蔡懋德孫傳庭等以闖  
獻蹂躪禦賊亡身凜凜猶有生色總繇明政不綱自萬厯  
以至崇禎權奸接踵闖豎橫行遂至黑白混淆忠良泯滅  
每爲之切齒不平福王時雖有追諡之人而去取未公亦



無足爲重朕惟以大公至正爲衡凡明季盡節諸臣旣能  
爲國抒忠優獎實同一視至錢謙益之自詡清流覲顏降  
附及金堡屈大均之倖生畏死詭託緇流均屬喪心無恥  
若輩果能死節則今日亦當在予旌之列迺旣不能捨命  
而猶假語言文字以自圖掩飾其偷生是必當明斥其進  
退無據之非以隱殛其冥漠不靈之魄一褒一貶褒鉞昭  
然使天下萬世共知朕准情理而公好惡以是植綱常卽  
以是示彰瘴所有應諡諸臣並查明史及輯覽所載遵照  
世祖時之例仍其原官予以諡號其如何分別定諡之處著大  
學士九卿京堂翰詹科道集議以聞並通諭中外知之欽  
此



乾隆四十一年十一月初八日奉

旨原任戶部郎中攝高明縣事朱實蓮

賜諡烈愍

皇朝 賜諡烈愍明贈嘉議大夫兵部左侍郎原任

戶部郎中奉勅團練水陸義師朱公神道碑

賜同進士出身原署山西襄陵縣知縣前署孝義

縣事族孫次琦撰文并書丹篆額

大清乾隆四十一年丙申

高宗純皇帝詔曰崇獎忠貞所以風勵臣節凡勝國  
死事之臣或死守城池或身殞行陣事後平情而論  
若而人者皆無愧於疾風勁草各能忠於所事豈可



令其湮沒不彰其如何分別定諡之處著大學士九  
卿京堂翰詹科道集議以聞議上我六世從祖原任  
戶部郎中微龕公

賜諡烈愍予祀忠義祠惟時子姓感激泥首羣願聲  
諸金石以播寵靈而大書深刻迄今未果其末孫次  
琦泣而言曰深惟我公純勤大節自筮仕以迄結纓  
靡不殫極血誠永矢存歿非奮發一時者比今幸際  
不諱之朝其事狀迺未彰徹大行於公靖獻初衷無  
憾也何以贊

聖清之光明而昭示於罔極哉僉曰善子其以銘謹  
按譜牒公南海九江朱氏諱實蓮字子潔號微龕祖



讓守夔州治績冠萬厯時父疇廩膳生著文行公頌  
身頽面角犀隆起腰腹十圍少須麋大音聲顧盼偉  
如神人七歲能屬文與姑子陳文忠公子壯並有聖  
童之日未冠舉天啟元年辛酉鄉試第三人分考江  
陰李忠毅公應昇奇其文拔冠一經久在公車時望  
益隆巡按劉呈瑞提學魏浣初疏舉境內人才皆第  
一崇禎十三年庚辰授浙江德清知縣時中原盜熾  
州郡陸沈捧檄者蹙躄懷兩端公謂拊循東南所以  
戡定西北天下事尙可爲也忼慨誓行初蘇浙仍歲  
奇荒繼以旱蝗民飢無食公到官綱繆賑恤存活數  
萬家明年夏浙西三府大水湖州尤劇公百方拯濟



顓大府蠲緩以貸災黎不省七月浙撫劾德清崇德  
兩縣誤漕是時政府方尙搜括遽票旨逮治緹騎洵  
洵崇德令趙夔自縊公奮曰唐石烈士馬前一騶耳  
尙思自致於萬乘之前以鳴主將之勞烈方今聖明  
在上居高聽卑坐使萬物顛顛而陽澤不施羣方戴  
盆而天光不照臣罪不容誅矣吾寧歸死司敗救此  
一方民遂就詔獄獄中極陳地方荒苦大畧謂天災  
流行何處蔑有未有四五年來飢饉薦臻旱歿嗣虐  
孑遺靡定降割繼行井邑爲墟民物將盡如浙西之  
甚者去年夏五甫交龍水驟發蘇常嘉湖數郡鉅浸  
稽天吳江德清襟腹太湖如坐釜底塘栖以西尖山



以北穀蔬淪沒室廬漂蕩入畜蔽江流而下帆檣緣  
木杪而渡男號婦哭天日爲昏其有乘高駕浮幸不  
卽斃者驚癩飢羸有孩稚推棄於漲中夫妻子母枕  
藉待死於水涯者矣微臣受任未久四出拊循目擊  
情形痛心酸鼻自傷爲人司牧政刑頗僻措置乖違  
無以導迎祥和覆以招災速戾使萬戶生靈顛連若  
此此卽肆微臣於市朝正溺職之誅謝橫死之眾是  
微臣所大願也當已兩申撫按面要道府籲懇丁糧  
漕白一概奏蠲發帑截運以資接濟昔宣宗皇帝聖  
諭賑飢當如救焚拯溺何待勘爲煌煌大訓我朝鼎  
命之隆在此也微臣方且噢咻老幼撫摩創夷勉之



以忍死須臾慰之以大澤將至而不謂漕兌嚴期突  
然逼迫矣夫蘇浙數郡錢漕金花銀之偏重天下所  
知也接遞牘淺諸色目穰苗撞竿等差徭取求之無  
藝幫貼之煩猥天下所無也荒旱以來帶徵有三年  
五年添派有練餉助餉又天下所苦也萬一調贖無  
聞追胥如故虎冠之吏敲吸爲能藐爾殘黎展轉之  
下惟有逃亡逃亡不能因而鋌險强者旣囂而動弱  
者必隨而聚矣不幸或連一二城之地有枹鼓之警  
國家胡能晏然而已乎比者中原多故風聲播流保  
無有梟獍之徒包藏禍心乘閒思亂者初猶煽劫繼  
且盜兵裹誘漸繁橫流益潰陝晉楚豫其已事矣是



可不爲之寒心哉是故欲回天意先召人心欲保東南財賦之疆先予億兆更生之樂伏願皇上獨斷聖衷截漕駁放徵派盡蠲或令飢民濬吳淞白茅兩江以工代賑若此則收行水之利廣澤枯之仁答列祖眷顧之靈弭五行飢穰之患塞姦人窺窬之竇鞏皇圖保定之基孰與屯一時之膏釀滔天之禍而後悔無及哉若此則微臣雖膺大僇伏斧礮且將含笑入地矣疏入帝驚歎動容踰月普免直省存畱起解上供本折錢價百姓驩呼謂公有回天之力德清漕兌旋亦報足獄遂解謫南直松江府照磨起臨淮縣知縣聞內艱未赴累擢刑部廣西司主事兼兵部武選



司主事戶部郎中當是時帝知公忠實有意嚮用故驟遷其官會憂歸而止亡何南北都相繼淪陷公忿不欲生丙戌繼丁憂唐王亦亡陳文忠迺與廣督丁魁楚援立永明王於肇慶故輔蘇觀生懷貳別立唐王弟聿錡於廣州永明王起文忠督軍務並勅公團練水陸義師勅曰破斧之章首爲輔臣誦之次卽及於爾矣欽哉會

大兵入廣州聿錡執死明年春張文烈公家玉陳忠愍公邦彥及新會王興潮陽賴其肖先後起兵公亦以七月墨纒舉義盡毀其家輸軍實與文忠募旅於九江舟師千餘艘多蜚戶番鬼驍勇善戰迺約忠愍



共攻廣州撫花山盜三千人僞降得守東門結衛指揮楊可觀爲內應舟師剽銳甚一戰奪西郭礮臺焚敵樓殲突將城中大震嚴詰反側可觀事洩死三千人皆坑殺兵遂劬忠愍奔三水故御史麥而炫破高明來迎迺入攝縣事以待西師九月

大兵逼高明爲十覆迭攻之公激勸忠義晝夜登陴拒守五十日而城陷文忠被執公從容西嚮再拜齧血題絕命詞遂握刀帶雙鞬馳下冒陣而死年四十六公族父攝訓導事曰名臣亦不屈死官生區懷炅舉人區銑以下從而死者二千人城中男婦皆喋血迸命無一生降者難後其城遂空實丁亥十月二十



九日也次年永明王贈公光祿寺少卿廕一子入監  
御史饒元璜言諸忠臣賞薄晉贈嘉議大夫兵部左  
侍郎三代同官論賜祭葬再廕子國子監助教錦衣  
衛正千戶恩卹有加焉配區淑人高明戶部侍郎大  
倫女有賢行子二國薦國藹公幼有大志雖長華廡  
被服必於儒者工詩文尙氣誼士類歸之至性天植  
事君不辟難馭眾無匿誠其發也如鬱燄怒雷屈而  
必達常自誦曰吾曹旣效命於世有可以尊主庇民  
者則忘身爲之其它禍福之來有不自我者不足較  
也初公之亡也

大兵義而掩之故國薦等能以喪還祔於夔州公兆



沈蕤芳曜百有餘年卒能尊名苾祀朝野具瞻蓋幸  
逢

聖天子表正人彝允釐皇極而亦公順受天明安行  
不惑故忠孝之道用光幽潛之德必發也烏虜禱哉  
銘曰

公以文興觸鞮稍增不究爾能銅墨是膺毗呼神君  
官謂僂民逢憂召屯寧丁我身養其疲羸寬其榜笞  
飛輓而虧吏曰不治玉階碎首闕尸甘受容臣苦口  
臣死不朽帝有恩言一歲九遷有隕自天旋入雷淵  
刑天干舞盟津捧土旣獲死所安於堂宇惟天降衷  
惟



聖發蒙匪私於公惟以

教忠歸彼兆域有嚴

制勅騎下軾式是儆是則

咸豐十年歲次庚申十二月 日

謹按

欽定勝朝殉節諸臣錄諸臣

並予祀忠義祠祠內榜刊謚文姓名事實  
其後裔尙存聽於祠墓鐫立碑石以昭令  
典而示表揚仰見 聖量同天視天

下之善如二不以異代而歧視也伏考唐  
史太宗貞觀十九年二月庚戌如洛陽宮  
以伐高麗道經河南贈殷比干爲太師謚



日忠烈命所司封墓葺祠自爲文以祭之  
因刻石樹碑碑後列從征居守諸臣姓名  
凡七又用秦刻石例列長孫無忌等奏請  
奉勅立碑事末行云右貞觀十九年二月  
卅日無忌等奏請以贈比干詔并祭文刻  
石樹碑奉勅依奏云云又以仰見

聖人事必師古然唐代猶因事奏請我  
朝則通諭頒行尤度越千古云

又按

大清律例禮律凡歷代先聖

先賢忠臣烈士墳墓

所在有司不許於上

樵採耕種及牧放牛羊等畜違者杖八十



又按周官冢人凡死於兵者不入兆域凡  
有功者居前王氏應電謂葬以全歸爲善  
刑人惡其毀傷故不入兆域或疑比干杞  
梁皆死於兵其將不入兆域乎此不然死  
於社稷謂之有功可也顧氏炎武謂死於  
兵者不入兆域注戰敗無勇投諸塋外以  
罰之左氏趙簡子所謂桐棺三寸不設屬  
辟素車樸馬無犬於兆而檀弓死而不弔  
者三其一曰畏亦此類也原注莊子戰而  
也不以翬資崔本作翬杓若倣無存死而  
杓音坎謂先人墳墓也齊侯三禭之與之犀軒與直蓋而親推之



三童汪踦死而仲尼曰能執干戈以衛社稷可無殤也豈得以此一概歟隋文帝仁壽元年詔曰投生殉節自古稱難殞身王事禮加二等而世俗之徒不達大義致命戎旅不入兆域虧孝子之意傷人臣之心興言念此每深愍歎且入廟祭祀並不廢闕何至墳塋獨在其外自今以後戰亡之徒宜入墓域可謂達古人之意矣王氏顧氏兩家論說砭俗警愚可云痛切今夔州公孫十五人惟烈愍公得祔於兆蓋亦以殉節爲重所謂有功者居前也



庠生推官松濤公繼妣彭氏合葬庶妣鄧氏羅氏陪葬墓  
在順德龍山鄉鐵鑪岡乾亥嚮墓域 國朝康熙五十

二年癸巳建雍正三年乙巳脩墓誌歲貢從姪元英撰

墓地闊一丈七尺五寸長一丈六尺六寸妣蒙氏別葬本鄉馬山墓域明天

啟六年丙寅建

據松濤府公墓誌脩用

子廉公妣馮氏合葬墓在本鄉鶴岡申庚嚮

子亭公妣歐陽氏合葬墓在本鄉西方龜山丁嚮墓域

國朝康熙二十年辛酉建墓誌戶兵兩科給事中從兄

伯蓮撰

明處士子亭朱公墓誌

徵仕郎戶科右給事中兼兵科給事中前中書



舍人乙榜進士從兄伯蓮拜手撰

從弟諱現蓮字子亭迺祖中憲大夫綱庵公次男郡  
庠生則明公之子也生當盛世幼知孝友篤學年及  
四舞勺出與同館知友交晉接冲和無絲毫氣岸多士  
樂與之游莫不以遠到期之性雖能飲未嘗沈醉昏  
亂年方壯盛偶一違和竟爾不起同人感悼咸訝天  
意難測也念弟弱冠授室白藤歐陽氏女伉儷宜家  
所處皆順境迺忽爾奄逝幼子國柱生甫週歲熒獨  
一身酸苦萬狀賴婦道持家勤謹課兒成立家漸豐  
盈配婦關氏蚤舉孫枝方信天意詒報灼在後裔原  
不爽也弟生萬曆乙卯十一月二十四日辰時終永



歷丁亥七月初五日子時享年三十有三厥配歐陽  
氏壽未艾也茲當辛酉季夏男國柱諏吉奉柩葬於  
龜山始祖近地坐癸嚮丁之原例得節其生平勒石  
表墓以垂久遠

康熙二十年歲次辛酉六月二十二日

謹按婦人生存而以行誼見書於夫誌者  
勗見於唐故大將軍上柱國郭君之碑其  
文曰夫人王氏令望江東派流并部內睦  
六親外諧九族痛長城之永別淚染湘川  
悲隴水之分流更成嗚咽云云子亭公誌  
帶敘歐陽安人節行蓋本於此



游擊飛泉公妣鄧氏繼妣黃氏合葬墓在本鄉月山庚嚮

耐葬懷墓域 國朝嘉慶五年庚申遷建

華千公妣張氏合葬墓在新會傑洲村黃寶坑後園嶺今隸

鶴山丁嚮 墓地闊一丈二尺長一丈四尺

庠生長齡公妣溫氏合葬墓在本鄉大望山據原

榮爵公妣關氏合葬墓在本鄉象山丁午嚮耐葬按

青玉公妣馮氏合葬墓在本鄉珮山據上川房

定江公妣羅氏合葬墓在本鄉牛山據上川房

天行公妣周氏合葬墓在本鄉象山丁午嚮耐葬養

舉人文林郎直隸揚州府通判海若公妣封孺人周氏合

葬墓原在本鄉大望山詳鄉志 國朝道光十年庚寅遷



葬牛山丙午嚮

附葬太公墓

舉人戶部陝西清吏司主事員外郎 欽差監督寶泉局

事松蘿公妣陳氏合葬庶妣張氏陪葬墓原在本鄉大

望山

詳鄉志

丙巳嚮墓域

國朝順治十二年乙未建康

熙三十一年壬申脩墓誌庠生從孫烈撰乾隆五十二

年丁未遷葬蝸山

鄉志作花山

戊辛嚮道光十年庚寅脩

明故 欽差監督寶泉局事戶部陝西清吏司主事

松蘿朱公偕配宜人陳氏安人張氏合葬墓誌

庠生從孫烈頓首拜撰

伯祖諱光允字嗣之號松蘿自始祖發源珠璣巷遂

遷南海九江上沙里五世至七世皆脩文學振黌宮



八傳至湛一公登萬曆乙酉賢書歷官四十年所至  
有惠政伯祖卽其長子也弱冠充邑弟子員癸卯科  
試冠軍補廩至萬曆乙卯鄉試中式四十一名初授  
龍川縣學教諭入爲國子監助教轉監丞尋陞戶部  
陝西司主事 欽差督理錢法歷任三載竟以疾卒  
於官舍伯祖生於萬曆庚辰年九月初二日辰時卒  
於崇禎丁丑年五月二十日子時享壽五十有八伯  
祖母陳氏迺玉山縣知縣崑泉陳公諱超然之女生  
於萬曆壬午年十月十二日卯時卒於順治辛丑年  
正月十二日亥時享壽八十庶張氏生於萬曆辛丑  
年八月十六日丑時卒於康熙己巳年十月初四日



未巳時享壽八十有九生男二長汝相字木長庠生陞  
氏出次汝杞字仲木張氏出前於順治乙未年先叔  
汝杞奉伯祖柩安葬大望山坐壬嚮丙兼亥巳之原  
今康熙壬申年十二月十一日巳時兄溥文等奉兩  
伯祖母柩合葬焉烈不敏敬誌其畧如此

康熙三十一年歲次壬申十二月十一日

謹按世紀及鄉志松蘿公宦績最著鄉志  
本傳稱公歿於位戶部右侍郎管尙書事  
吳國仕疏請卹典事績紀錄付史館公曹  
司耳身後事績至可以書國史當年建樹  
奇偉可知此誌迺一無鋪敘未免寂寥然



考授堂金石跋尾載晉劉韜墓誌名字官

職之外一事不書

文云晉故持節都督青徐諸軍事征東將軍軍

司關中侯劉府君之墓君諱韜字泰伯蓋叔考處士君之元子也夫人沛國蔡氏

誌葬土中後人得見名氏便可免於鉏鍤

故亦有此相傳文式耳

又按關主政撰湛源公墓碑稱松蘿公官

戶部員外郎此誌祇作主事恐亦未覈辨見

恩榮譜

廩生開雲公妣譚氏合葬墓在本鄉大望山丙巳嚮墓域

明唐王元年乙酉

卽國朝順治二年建

國朝康熙十八年己

未脩墓誌銘

撰人官階名氏闕



明廩生開雲朱公偕配安人譚氏合葬墓誌銘

望闕

公諱光衡字開之號開雲迺授階文林郎奉直大夫  
湛一公之次子始祖來自南雄珠璣巷卜居本鄉上  
沙吉水里至公九世矣公賦性聰穎於書無不讀與  
胞兄主政松蘿公從兄別駕海若公自相師友二兄  
交讓之弱冠補邑庠試皆前列棘闈五戰未及彊仕  
已赴玉樓去矣生平胷襟灑脫輕財仗義工書法尤  
工詩飄逸幽折有李謫仙之風所著有游息齋集客  
話獨游草象谷戲草諸書藏於家安人譚氏新會憲  
副譚公維鼎孫女孝敬慈順恪執婦道生子二人長



汝棟補順德庠次汝榮業儒蚤逝女三人長適羊城  
馮次適龍山梁三適本鄉田邊關孫曾繼起未有艾  
公生於萬厯己丑年七月初十日寅時卒於天啟丙  
寅年八月十一日申時享年三十有八先於隆武乙  
酉年十二月初缺日酉時奉公柩安葬本鄉大望山  
坐壬嚮丙兼亥巳之原安人生於萬厯丁亥年十二  
月初二日丑時卒於順治辛丑年正月初九日卯時  
享壽七十有五蠲今之吉奉安人柩合葬焉公居右  
安人居左遵地道也烏虜聿胥斯原風藏脈貯鞏砌  
望岡實獲其所形歸窀窆神返室宇毓瑞鍾靈以昭  
來許永年拜瞻百福是與



康熙十八年歲次己未十二月二十四日

謹按本誌謂公居右安人居左遵地道也  
蓋唐宋以來便有此葬法自明世至今吾  
廣中亦有行之者然朱子語錄云某初葬  
亡室時只存東畔一位亦不考禮是如何  
陳淳問曰地道以右爲尊恐男當居右答  
曰祭以西爲上則葬亦當如此邱氏濬謂  
世俗循習已久凡葬皆男左女右一家忽  
然如此恐數世後安知子孫不誤以考爲  
妣乎我朝通禮於品官喪未及合葬之  
制其親王以下喪云合葬者男左女右則



品官及士庶可推然則合葬者固當以朱子之說爲正也

閨秀瑞興墓在本鄉蝸山

鄉志作花山

壬子嚮墓域明萬曆三

十九年辛亥建奉訓大夫雲南寧州知州見知貴州思南府安化縣事父凌霄題墓墓誌銘庠生從兄光祖撰明故閨秀朱瑞興墓誌銘

從兄光祖拜手撰

余從妹瑞興迺余叔大夫之季女也歲乙未余叔初授本省新興博士叔母孺人曾氏隨宦以丁酉年三月十二日生從妹於學署中因名瑞興焉從妹生而聰敏歲己亥余叔擢楚咸寧令從妹隨宦方三歲比



甲辰余叔政成尋擢滇寧州守滇粵相距萬里時叔母以余王父母在堂弗敢遠離膝下攜從妹歸未幾王母孺人陳氏卒余叔讀禮山中從妹方十歲事叔父母以孝謹聞且能曲體叔父母之心以致之王父至其處兄若嫂和以相睦焉旣而許聘於里中吳孝廉長子方幸室家之有託也不謂天奪之速甫十五遂卒於今年八月初三日卒之日猶遺言於叔母曰女疾革矣女死命也無傷母心噫若余從妹者孝謹一念可謂生死以之矣今余叔遠宦黔中其兩兄光允光衡擇本年九月二十二日寅時移柩葬於蝸岡壬子嚮之原旣葬矣余傷其亡而憶其賢也故爲之



銘銘曰

田產珠璣昌郡之陽孝謹維思女德攸彰圭璞徒負  
瑩光忽藏燕悲鶴泣鬱乎蝸岡歸寂輪迴汝其益臧  
萬曆三十九年歲次辛亥九月二十二日

謹按閨秀瑞興碑爲父知州凌霄題額然  
如昌黎女拏壙銘銘誌且出自撰微特題  
墓已也唐碑將作監王簿孟友直女墓誌  
起語女十一孀字心河閬人也末云惟父  
與母恩深骨肉痛切哀憐方備儀於幽隧  
用畱念於終天蓋亦出友直自製

含素公妣關氏合葬墓在本鄉蝸山

鄉志作  
花山

嘴酉辛嚮

附  
葬



復庵  
公墓

養素公妣余氏合葬墓在本鄉蝸山鄉志作花山嘴西辛嚮附葬

復庵  
公墓

開然公妣岑氏合葬庶妣陳氏潘氏陪葬墓在本鄉西方

龜山丙午嚮墓域 國朝康熙三十二年癸酉建

敬吾公妣鄭氏合葬墓在本鄉象山庚嚮附葬襟字公墓

英巨公妣曾氏合葬墓在本鄉西方龜山癸嚮舊作甲嚮墓域

明天啟七年丁卯建墓誌銘姪國材撰立石年月闕

明故高士英巨朱公偕配安人曾氏合葬墓誌銘

姪國材叩首撰

公諱環字乾中號英巨先南雄珠璣巷人後徙南海



九江上沙里歷數傳至文錦是爲公高祖司訓靈川  
署興安義寧兩縣事曾祖宗程祖學度西寧廩生惺  
宇公繼鳳迺其父也母陳氏子二人長曰璧爲名諸  
生公序居次少聰穎讀書過目不忘年十一賦落花  
詩已雋邁超羣及長淹貫經史好講求天下形勢阨  
塞嘗夢古衣冠老人授以武經自是尤邃於兵鈴著  
兵畧管窺三卷自謂得孫吳之祕然矜惜不輕示人  
以屢試不售遂寄情柔翰與諸名士往來於西樵白  
雲閒興至輒引大白賦詩以爲樂且性慷慨凡義所  
在如急人難周人貧雖竭困橐不少靳至其處已不  
以貪欲自污當代薦紳尤高其行惺宇公喜吟詠公



視於無形居恆與兄迭唱咸得其懽心今家所藏壘  
簾集是卽公兄弟唱和以娛親之什也伯氏詩力追  
中唐冲澹有自得之致公詩則孤潔刻峭不蹈前人  
蹊徑亦足獨步一時畫法二米有逼真處迄今士大  
夫家猶有珍藏其手蹟者历年旣久才學愈充竟以  
數奇淹歿悲哉初公之未歿也自宗族交游見其才  
而博學皆以世俗之所貴者期之而公亦未嘗自言  
其志於人迨閣部陳文忠公舉義與家贈少司馬微  
龕言曰君族兄英巨志士也才可用儻令伊人宛在  
則吾屬此舉可分帷幄憂矣噫公往矣十餘年後猶  
令閣部臨事而追思之則其平日所蘊之才與夫未



嘗自言於人之志於茲無不畧抒也已配室曾氏本鄉孝廉曾公偉孫女慈順柔和克敦婦道尤能督諸子以勤儉成家公生於萬曆辛卯七月十六日卒於天啟丁卯三月十九日得年三十七曾氏生於萬曆乙未十一月十一日卒於康熙乙巳五月十三日享壽七十一舉三子長明卿娶陳氏次明良娶李氏次明華娶關氏孫男二人廷賓廷祚公以丁卯月日祔葬於本鄉龜山甲嚮之原季子明華痛兩兄之先卒也以今日日奉母曾氏合葬於此歸而屬銘於余余於公嫡堂姪也誼不敢辭因卽夙昔所聞於先君及傳諸戚黨者畧撮其實而勒於碑以垂不朽焉銘曰



才既具未得時志有餘年迫之斂奇燄瘞於斯屈沒  
齒耀來茲君子曰是殆缺二字而缺二字者也吾又何敢

侈其詞

闕

庠生雲漪公妣譚氏合葬墓在本鄉蝸山

鄉志作花山

庚嚮墓

域 國朝康熙二十五年丙寅建墓誌銘英德教諭阮

解撰

明庠士雲漪朱先生偕配安人譚氏合葬墓誌銘

原任韶州府英德縣儒學教諭年家眷會姪阮

解頓首拜撰

先生諱宴字乾泰號雲漪廣西靈川司訓文錦公之



曾孫庠生涵宇公之長子也生而聰穎過人日誦數千言不遺一字是時士子通戴禮者甚少涵宇公素業尙書以先生之聰穎也遂授戴記先生專心攻習豁然貫通一時言禮者皆歸焉年甫弱冠爲邑侯劉公廷元所賞識進補府庠數戰棘闈不遇先生裕如也學務求實得不求表見與對終日若茫然無知者及質以疑義無不應答如流聞者心折性狷介分毫不妄取有急難者傾囊以與之無吝色故人高其節而誦德不衰戊寅己卯閒先友關子尊侯延先生於羊城講戴禮余時與關子同窗因私淑於先生蓋數載焉嗣是又與長公國臣次公國材結浩社於鎮海



樓之精舍同社數十人皆仰先生爲山斗先生知無  
不言言無不盡必盡人入於善而後已卽此一念先  
生之陰德大矣先生孝友大節里之人已口而碑之  
無俟余述爲敘其親炙於先生嘉言懿行有如此則  
其它可知也配室孺人譚氏新會天河左江兵備道  
譚公維鼎猶子省吾之女以賢淑之德克勸內治固  
宜後起之繩繩也先生生於萬厯己丑年三月初一  
日戌時終於順治辛卯年二月十四日卯時壽六十  
有三所著有禮記全書今手澤猶存子若孫奉爲家  
寶者也孺人生於萬厯壬辰年七月十三日巳時終  
於順治癸巳年九月二十四日戌時壽六十有二男



四人長國臣庠生次國材歲貢見吏部候選國權國  
 柱孫十二人嫡孫之信庠生燮元庠生曾孫蕃庠生  
 淮廩生餘方興未艾今以本年十一月十六丙申日  
 申時奉柩合葬於本里蝸山涵宇公墓下坐甲嚮庚  
 之原國材特來請銘余以子姪之誼不得辭也為之  
 銘曰

烏虜惟公之德日累月積積厚流光爰誌之石石則  
 可滅德不可磨天鑒在茲福祿其多

康熙二十五年歲次丙寅十一月十六日

南海縣志阮解  
 南海縣人貢生

龍巖公妣關氏合葬墓在本鄉蝸山鄉志作花山 庚嚮



庠生雲庵公妣關氏合葬墓在本鄉西方龜山亥嚮墓域

國朝康熙三十四年乙亥建六十年辛丑脩墓誌揀

選知縣族孫宗元撰

明庠士雲庵朱公偕配安人關氏合葬墓誌

鄉進士揀選知縣族孫宗元頓首拜撰

國必以忠厚爲開承者而後其治長於家亦然必以  
忠厚開承者而後其祚昌而世之殘刻貪冒無恥之  
輩以詐術愚人謂可光大門閭卒之不振良可哀也  
余族自南雄遷居九江歷宋元明以迄我朝子姓  
蕃茂簪纓相望是豈無所自而然哉良繇我祖詒謀  
之長歷世繼述之善海不敢不本之河矣九世伯祖



雲庵公少聰敏書過目輒成誦充弟子員爲一郡冠  
當是時公之才名籍甚卒困諸生不少愠家雖素封  
飯脫粟衣褐衣蕭然若貧士其與人交魚魚雅雅和  
氣可掬也酒後耳熱雖童僕稚子無不可與言歡至  
雜以非義卽面赤髮指雖親厚無所貸大都爲人晶  
中朗外步矩趨繩敦彛選交守和握固余得諸公孫  
文學兄成泰所述如此烏虜公以文章名邑郡雖不  
及身掇一第享高爵厚祿以光耀一時然考其梗概  
一本乎忠厚其澤流子孫宜何如邪余又以卜雲庵  
公後之昌熾未艾矣或曰非義者必疾之如仇惡所  
謂忠厚余曰身爲非義者置之以爲包容是厚其惡



而速其敗也公之疾之俾其赧而易慮刮肝滌腸君子成美不成惡之心也儻令得用於國彰善癉惡以輔翼聖明風動當年培植國脈亦猶是耳獨家也乎哉公歿後以乙亥年正月二十七日偕配安人合葬於龜山坐巳嚮亥之原迄今兄成泰欲表於墓遜元爲文爰爲撮其事而論其意俾刻於石烏虜隴岡堅秀喬木亭亭世之過其墓者聞公之風其亦可以慨然而興矣公諱璿衡字乾齊雲庵其號八世曾伯祖海玉公之第四子也世居九江藍田里生於萬曆辛亥年三月二十九日巳時終於康熙己巳年十二月十三日子時享壽七十有九配安人本鄉紅社肖乾



關公之女內則周舉克佐公生後公三歲九月二十  
七日酉時卒後公六歲正月初七日子時享壽八十  
有二男三人長娶本鄉曾次娶河清潘次娶本鄉關  
女三人長適洛口關貫卿次適閘邊貢生關任卿次  
適田邊關高士孫曾蕃衍不復備書

康熙六十年歲次辛丑二月十六日

雲龍公妣關氏合葬墓在本鄉象山丁午嚮

耐葬碧潭公墓

十世青藜公妣溫氏合葬墓在本鄉石喬山丙巳嚮

振軒公正軒公會江

公耐葬墓內並詳下

墓域 國朝道光二十一年辛丑脩

敬台公妣盧氏合葬墓在本鄉蝸山

鄉志作花山

乾嚮墓域

國朝康熙十九年庚申建



百生公妣馮氏合葬墓在西樵山金甌村大富岡坤未嚮

耐葬敬源公墓墓域 國朝乾隆五十一年丙午脩

英吾公妣黃氏繼妣曾氏合葬墓在大同鳳皇山乙辰嚮

墓域 國朝康熙二十五年丙寅建墓誌候選教諭從

孫順昌撰 希聖公景存公耐葬墓內並詳下墓

拱日公妣鄭氏繼妣關氏合葬墓在本鄉蝸山 鄉志作辛

嚮 墓地闊一丈一尺五寸長一丈七尺五寸

荆玉公妣盧氏合葬墓在本鄉西方龜山壬亥嚮墓域

國朝康熙三十年辛未建

荆宇公妣黃氏合葬墓在本鄉象山庚申嚮 耐葬左塘公墓墓域

國朝嘉慶十五年庚午脩



會初公妣傅氏合葬墓在大同義塘岡午嚮

青松公妣陳氏合葬墓在本鄉西方龜山巳丙嚮墓域

國朝雍正九年辛未建墓誌高州府教授族孫順昌撰

沛興公附葬墓內詳下

心源公妣曾氏繼妣易氏合葬墓在鎮涌黃岡艮寅嚮墓地

闊一丈長一丈七尺

石塘公妣關氏合葬墓在鶴山傑洲村芙蓉山乾嚮墓域

國朝乾隆十六年辛未建棟選知縣族孫吉兆題墓

念倫公拜謙公附葬墓內並詳下  
墓地闊一丈五尺長一丈五尺

三階公妣關氏繼妣曾氏合葬墓在本鄉西方龜山壬嚮

墓域 國朝康熙十四年乙卯建



喜吾公妣曾氏合葬墓在本鄉西方龜山壬嚮與三階墓

域 國朝康熙十四年乙卯建

厚彰公妣嚴氏合葬墓在本鄉蝸山鄉志作花山庚嚮墓域

國朝雍正二年甲辰建

茹登公妣關氏繼妣黃氏合葬墓在新會龍溪鄉欖木坑

山今隸鶴山縣巳丙嚮耐葬塢沙公墓

地贈脩職郎廉州府靈山縣儒學教諭樸庵公妣地贈孺

人黃氏合葬墓在本鄉蝸山鄉志作花山辛酉嚮耐葬玩墓

域 國朝道光三十年庚戌脩

華吾公妣胡氏合葬墓在本鄉蝸山鄉志作花山辛酉嚮耐葬清涯

公墓



而達公妣潘氏合葬庶妣夏氏陪葬墓在本鄉西方龜山

巳巽嚮 附葬明 墓域 國朝咸豐十年庚申脩

孚潛公妣盧氏繼妣岑氏合葬墓在本鄉龕貝山 鄉志作

丙巳嚮 附葬寧 墓域 國朝道光二年壬午脩

素月公妣張氏合葬墓在本鄉龕貝山 鄉志作 丙巳嚮 附葬

亨字 公墓 墓域 國朝道光二年壬午脩

灣月公妣馮氏合葬墓在本鄉龕貝山 鄉志作 丙巳嚮 附葬

亨字 公墓 墓域 國朝道光二年壬午脩

南陽公墓在鎮涌銀坑 又名 巨蛇嶺 又名 蚌 癸嚮

三錫公妣鄧氏合葬墓在新會傑洲村黃塘山 今隸鶴 西

圃公墓左艮嚮



逢亨公妣蘇氏合葬墓在新會傑洲村黃塘山今隸鶴山縣西

圃公墓左良嚮墓域 國朝康熙二十八年己巳建

懿吾公妣李氏合葬墓在本鄉西方龜山午丙嚮墓域

國朝康熙三十三年甲戌建乾隆四年己未脩

碧霞公妣張氏合葬墓在新會傑洲村白雲山今隸鶴山縣丑

嚮墓域 國朝康熙三十年辛未建五十年辛卯脩墓地

闊九尺長一丈九尺

東湖公妣關氏合葬墓在本鄉西方龜山壬嚮墓域 國

朝康熙二十二年癸亥建墓誌吏部郎中尹源進撰

明處士東湖朱公偕配安人關氏合葬墓誌

賜進士出身奉政大夫吏部考功司郎中前 欽



差陝西鄉試正考官年家眷弟尹源進拜撰

公諱如川字叔元號東湖都矯公之仲子也宋末有祖元龍自南雄始遷居南海九江鄉七傳而至別駕石潭公領嘉靖壬子鄉薦而家聲始大公其曾孫也憶余先曾祖愛川公與石潭公同舉於鄉則余於公爲兄弟行去歲秋公賢嗣水師都閫昌國走人於余告以癸亥年閏六月初三日葬公且并列公狀求余文以爲誌余不獲辭迺按狀而爲之言公少負夙慧讀書過目成誦長益力學以博洽稱君子謂石潭公有孫矣性孝謹事二人色養備至然每多病二人以其病也不欲苦之以書公滅燈暗誦不令人知也久



之病日有加有告之學醫者公慨然曰身體髮膚受  
之父母不敢毀傷孝之始也吾旣不能立身揚名可  
令其毀傷乎且爲人子不可以不知醫是吾志也於  
是方書之奧調攝之方莫不洞澈而得其精微不半  
年而病遂霍然愈世有病者就公一問無不輒效蓋  
旣有以自爲又能推以及人亦士君子濟人利物之  
一端歟然公自是不耐煩無意於人間事矣脩竹之  
陰風月之夕寄傲其中怡然自足一切榮枯得喪毫  
無所動或躡屐以登山或泛舟而垂釣興至卽行興  
盡卽返真有春風沂水之趣更不知人間有三公之  
貴萬鍾之富也其爲人溫和樂易與之相對如飲醇



醪不覺自醉出則雖三尺童子羣相隨之又如海上  
翁之與鷗鳥相狎而相忘也閒有犯者如飄風之過  
耳畧無不平之色而其人亦退而愧服所謂虛舟以  
游雖有褊心之人亦觸之而不怒公之謂矣然則公  
豈特一世之士蓋有古君子風焉配安人關氏幽靜  
勤謹恰與公宜女正位乎內男正位乎外宜其克昌  
厥後而未有艾也於是乎誌

康熙二十二年歲次癸亥閏六月初三日

尹源進見上曾祖名思惠廣東通志尹思  
惠東莞縣人嘉靖三十一年壬子舉人

歲貢生嘯峯公妣蕭氏合葬庶妣程氏黎氏陪葬墓在本

鄉飛鳳山

據世  
紀脩



若魯公妣曾氏合葬墓在本鄉大望山甲嚮墓域 國朝

乾隆五年庚申建

武生鍾陽公妣何氏合葬墓在本鄉大望山甲嚮墓域

國朝乾隆五年庚申建

振崖公妣仇氏合葬墓在順德龍山鄉鐵鑪岡乾亥嚮墓

域 國朝雍正三年乙巳建

亮子公妣關氏合葬墓在本鄉馬山辰乙嚮

南樂公妣關氏合葬墓在本鄉西方龜山丁嚮與子亭公同墓墓

域 國朝康熙四十八年己丑建六十年辛丑脩墓誌

候選訓導從弟元英撰

雲參公妣陳氏繼妣黃氏合葬墓在本鄉馬山丁未嚮墓地



闊九尺長  
一丈二尺

贊禮生存心公妣馮氏合葬墓在本鄉鎮山庚申嚮

運我公妣吳氏合葬墓在本鄉象山丁午嚮附葬拔江公墓墓域

國朝嘉慶十四年己巳脩

接坡公妣黃氏繼妣梁氏合葬墓在本鄉象山丁午嚮附葬

拔江公墓墓域 國朝嘉慶十四年己巳脩

省我公妣梁氏合葬墓在本鄉象山辛嚮墓域 國朝康

熙三十七年戊寅建

國雄公妣劉氏合葬墓在本鄉象山丁午嚮附葬養吾公墓墓域

國朝嘉慶十四年己巳脩

庠生南軒公妣陳氏合葬墓在本鄉大望山丙嚮墓域



國朝康熙三十四年乙亥建墓誌銘候選訓導關嘉棻

撰

明庠士南軒朱公偕配安人陳氏合葬墓誌銘

歲貢生吏部候選儒學訓導姍弟關嘉棻頓首

安人拜撰

公諱禧龍字居壯號南軒迺刺史湛一公之孫文學

開雲公長子也世居本鄉上沙吉水里生而穎悟不

羣博聞強識絲經史以及百家咸搜覽無遺刺史公

特加器重時方轉任贛州攜公官舍肄業公甫就傅

卓有成人風其世父戶部松蘿公從父別駕海若公

皆以白眉目之弱冠補順邑弟子員歷試四十年數



奇不遇至甲寅乙卯始絕意功名惟以庭訓爲事寄  
情詩酒每當花晨月夕與二三知己談笑言歡賦詩  
見志陶然若將終身配安人陳氏迺本鄉枝基里奉  
政大夫淇涯公孫女歲進士逢交公長女孝敬夙著  
闡範聿彰公生於萬曆癸丑年八月初三日巳時終  
於康熙甲子年十二月初八日酉時享壽七十有二  
安人生於萬曆丁巳年十一月初十日未時終於康  
熙癸酉年二月二十九日寅時享壽七十有七生男  
三人伯曰燾仲曰照季曰烈三水庠生女四人一適  
大同郭觀斌一適本鄉沙溶明蘭先一適嘉棻長子  
元謀一適洛口關覺有見孫男六人曾孫三人今以



康熙乙亥六月十三日卯時奉公暨安人柩合葬於

本鄉大望山坐壬嚮丙之原銘曰

佳氣鬱蔥馬鬣其封下有哲人歸藏其中毓茲靈秀  
閒氣攸鍾祥開福祚春露秋風松邪柏邪千載何窮

康熙三十四年歲次乙亥六月十三日

九江儒林書院題名關嘉  
榮康熙三十年辛未歲貢

抱璞公妣譚氏合葬庶妣關氏陪葬墓在本鄉西方龜山

巽巳嚮

端甫公清甫公附  
葬墓內並詳下

仲璽公妣曾氏合葬墓在本鄉西方龜山巽巳嚮

與抱璞  
公同墓

瑞甫公附葬  
墓內詳下

茂生公妣關氏合葬墓在本鄉大望山辛酉嚮

附葬可  
山公墓



伯正公繼妣岑氏合葬墓在本鄉蝸山

鄉志作丙嚮墓地

尺長一丈妣陳氏別葬象山辛嚮

樂軒公附葬墓內詳下

歲貢生肇慶府開建縣儒學訓導四古公妣曾氏合葬墓

原在本鄉蝸山

鄉志作花山

嘴墓誌詹事府詹事史夔撰

文藏

墓內

國朝乾隆四十三年戊戌遷葬本山頂庚申嚮

東陽

公念劬公念雄公各墓分附左右並詳下

題名碑錄史夔江南溧陽縣人康熙二十一年壬戌進士

正軒公妣關氏合葬墓在本鄉西方龜山嘴乾嚮墓域

國朝嘉慶十八年癸酉咸豐五年乙卯脩

直軒公妣關氏合葬墓在本鄉西方龜山嘴乾嚮

與正軒公同墓

墓域 國朝嘉慶十八年癸酉咸豐五年乙卯脩



純一公妣關氏合葬墓在本鄉鎮山庚嚮

秀清公濯我公耐葬墓內並詳

下

最齋公妣曾氏合葬墓在本鄉鎮山庚嚮墓域  
國朝康熙

熙五十一年壬辰建成豐九年己未脩

樂濤公潛谷公耐葬墓內並詳

下

庠生樂餘公妣余氏合葬墓在新會雲堆村寶鼎山

今隸鶴山

縣

丁午嚮墓域  
國朝康熙五十八年己亥建墓誌銘

棟選知縣族姪宗元撰

詳下藍儼公墓

藍隱公妣關氏合葬墓在新會雲堆村寶鼎山

今隸鶴山縣

午嚮

與樂餘公同墓

墓域  
國朝康熙五十八年己亥建墓誌

銘棟選知縣族姪宗元撰



清故庠士樂餘朱公處士藍隱朱公墓誌銘

舉人揀選知縣族姪宗元頓首拜撰

吾族隱君子曰樂餘公藍隱公同氣昆弟也以元視  
之屬則伯父也觀其所自號可知其志而世固莫識  
也樂餘公諱殿孚字光卿行五藍隱公諱殿獻字賢  
卿行六有宋末吾祖元龍公自南雄府城北上三十  
里珠璣巷遷居南海縣九江村西方上沙里遞傳至  
公迺曾伯祖海玉公之孫伯祖龍巖公之子也伯兄  
三人各自樹立而二公居其季次相連年相上下而  
生平趣行正復相等爲人仁厚樂易未嘗忤於物見  
之溫溫似不能言及卽之與居愈久而愈可愛問而



出其所得愈出而愈無窮可謂純明篤實之君子矣  
遭時不遇不屑榮勢事以爲理亂不知黜陟不聞者  
天下之完人也奚必以富貴而易吾之志哉故俱淡  
然於聲華而不顧平居樸儉自處治家人產稍贏餘  
卽急人患難有負者率不計鄉之人並德之暇則竹  
林茂樹奇花怪石昆弟偕友生優游飲酒以爲樂元  
與嗣君天署炯燮兄素同筆硯課業餘時獲從之游  
其言語簡而有意飲酒終日不亂挹其貌而悚聽其  
論而驚以服久與居而不能舍以去也世徒見其偃  
仰林泉若與人無異而豈知其韜光匿彩以自完其  
眞而安其性者出於尋常萬萬哉年旣晚長號曰樂



餘言隱者之樂足於中而無待於外也次日藍隱則  
又卽所居藍田以爲名皆誌實也古有兄弟偕隱者  
於二公今再見之矣樂餘公以康熙辛卯年九月十  
九日酉時卒距其生崇禎辛巳年十月二十一日子  
時享年七十有一娶本鄉瀋口爾昭余公女生於崇  
禎庚辰年六月十二日申時卒年與公同迺四月二  
十五日未時也享年七十有二生男二長天署次天  
允女二孫男四曰國侯天署出曰士科士玠士才天  
允出藍隱公生於崇禎癸未年九月十二日卯時享  
年六十有一先樂餘公卒爲康熙癸未年十月二十  
九日卯時娶本鄉洛口石柱屋洪照關公第四女生



於崇禎壬午年八月二十六日丑時卒於康熙戊戌年七月十六日巳時享年七十有七生男炯燮女八孫男曰夢麟夢鳳初二公志行旣同而內助又皆有婦道琴瑟之雅妯娌之歡兩無間言迺同卜幽宅於新會縣雲堆村寶鼎山坐癸嚮丁兼子午之原在六世祖捷泉公墓左兄天署天允以康熙乙未年十一月初三日未時奉樂餘公及余氏安人柩合葬於其右今康熙己亥年十月十六日未時兄炯燮續奉藍隱公及關氏安人柩合葬於其左承先志也將立碑於墓以垂不朽而命元爲文謂元知二公誌之莫如元宜嗟夫元豈能盡知二公哉然樂道天下之善以



傳况二公者其隱德可傳而又為元之所親承而夙  
欽不表彰萬一則將來之褒贈顯揚者孰知其所自  
哉爰從而為之銘銘曰

嗟夫二公德厚缺良友于琴瑟和鳴雙雙偕隱九江

笑傲羲皇卜幽新會其歸其藏震龍入首巒拱內堂

正嚮祿馬昌後耿光厚德福地萬載無疆碑碣於墓

永誌不忘

康熙五十八年歲次己亥十二月二十二日

商民曰謹按此誌以一文誌兩墓似為創獲然亦

古法唐人有三墳記則李季卿誌其三兄

曜卿缺卿缺卿之文也宋人有黃氏二室



墓並二平甲 誌則黃庭堅誌其前後二室孫氏謝氏之

墓也三墳記得李陽冰篆名重古今二室

誌見黃山谷集

十一世振軒公

碑題文 覺公

妣關氏合葬墓在本鄉石喬山丙巳嚮

附葬青 墓公墓

墓域 國朝道光二十一年辛丑脩

正軒公

碑題文 明公

妣關氏合葬墓在本鄉石喬山丙巳嚮附葬

青藜 公墓

墓域 國朝道光二十一年辛丑脩

元藹公妣陳氏合葬墓在本鄉蝸山

鄉志作 花山

戊辛嚮墓地 闢六

尺長 八尺

靈潭公

碑題景 祥公

妣黃氏繼妣關氏合葬墓在大同鳳皇山

巳巽嚮

墓地闢一丈七尺 長一丈二尺



希聖公

碑題景賢公

妣關氏合葬墓在大同鳳皇山乙辰嚮

附葬

英五口公墓

景常公妣關氏合葬墓在本鄉蝸山

鄉志作花山

酉辛嚮

景存公妣關氏合葬墓在大同鳳皇山乙辰嚮

附葬英吾公墓

地贈脩職郎瓊州府文昌縣儒學教諭暘谷公繼妣地贈

孺人張氏合葬墓在本鄉馬山巽嚮

墓地闊一丈五尺長二丈二尺 妣

地贈孺人黃氏別葬鎮山子嚮

墓地闊一丈一尺長二丈二尺

用偉公妣張氏合葬墓在本鄉象山庚申嚮

附葬左塘公墓 墓域

國朝嘉慶十五年庚午脩

淡溪公妣關氏合葬墓在本鄉馬山壬子嚮墓域

國朝

雍正二年甲辰建道光六年丙戌脩墓誌揀選守備從



孫瑛撰

沛興公妣陳氏合葬墓在本鄉西方龜山巳丙嚮

附葬青松公墓

耿庵公妣彭氏繼妣張氏合葬墓在本鄉蝸山

鄉志作花山

玉

帶基乾亥嚮

念倫公妣陳氏合葬墓在鶴山傑洲村芙蓉山乾嚮

附葬石塘

公墓

熾郎公妣吳氏合葬墓在本鄉鶴翅山庚酉嚮

樂庵公妣關氏合葬墓在本鄉象山艮嚮

墓地闊五尺長一丈

地封脩職郎廉州府靈山縣儒學教諭鏡湖公妣地封孺

人曾氏合葬庶妣梁氏陪葬墓在本鄉大望山蜘蛛嘴

乙卯嚮墓域

國朝乾隆二十八年癸未建道光二十



二年壬寅脩墓誌揀選知縣族孫堯勳撰

廷齋公靖齋公挺蒼公寅

亮公瑤階公附  
葬墓內並詳下

二樂公妣吳氏合葬墓在本鄉蝸山

鄉志作  
花山

辛酉嚮

墓地  
闊九

尺四寸長  
九尺七寸

直吾公妣黃氏合葬墓在本鄉蝸山

鄉志作  
花山

庚酉嚮墓域

國朝康熙四十七年戊子建

應傑公妣明氏合葬墓在本鄉西方龜山已巽嚮

附葬明  
字公墓

墓域 國朝咸豐十年庚申脩

敬夫公妣關氏合葬墓在新會大園村銀錠山

今隸鶴  
山縣

乾

戊嚮墓域 國朝康熙五十五年丙申建墓誌揀選知

縣族弟宗元撰

墓地上闊二丈二尺下闊  
二丈左右俱長四丈二尺



靖夫公妣張氏合葬墓在鎮涌銀坑

又名仁坑

巨蛇嶺

又名蛇山

壬子嚮墓域

國朝雍正三年乙巳建墓誌候選訓導

族叔元英撰

樂賓公

碑題尚斌公

妣關氏合葬墓在鎮涌銀坑

又名仁坑

巨蛇嶺

又名蛇山

壬子嚮

庠生伯申公妣黃氏合葬墓在新會傑洲村黃塘山

今隸鶴山

縣良嚮

伯呂公妣鄧氏繼妣黃氏合葬墓在新會傑洲村黃塘山

今隸鶴山

良嚮

平邨公妣鄭氏合葬墓在本鄉蝸山

鄉志作花山

乾戌嚮

緣始公附

詳下



卜五公妣關氏繼妣關氏何氏合葬墓在新會徠洲村白

雲山今隸鶴山縣癸丑嚮墓域 國朝雍正元年癸卯建五

年丁未脩墓誌銘庠生族弟成泰撰墓地闊一丈一尺長二丈二尺

雪心公妣關氏合葬墓在新會仙人山辛嚮墓域 國朝

康熙五十七年戊戌建墓誌銘候選訓導族叔元英撰

幹軒公妣關氏繼妣岑氏合葬墓在本鄉牛山丙嚮墓域

國朝乾隆十五年庚午建墓誌庠生從弟長祚撰

佳竹公妣黃氏合葬墓在順德龍山鄉鐵鑪岡乾亥嚮墓

域 國朝雍正三年乙巳建墓誌文昌教諭族姪順昌

撰

元宗公碑題殿華公妣吳氏合葬墓在本鄉大望山丁午嚮



永多公妣關氏繼妣彭氏合葬墓在本鄉龕貝山鄉志作龕山

庚酉嚮墓地闊九尺長九尺

庠生逸洲公妣關氏合葬墓在本鄉大塘龜山壬子嚮

郁軒公妣黃氏繼妣關氏合葬墓在本鄉象山丁午嚮附葬

拔江公墓墓域 國朝嘉慶十四年己巳脩

盛南公妣劉氏繼妣鄭氏合葬墓在新會大園嘴今隸鶴山縣據

上川房世紀脩

凌江公妣關氏合葬墓在本鄉象山丁午嚮附葬養吾公墓

日庵公妣關氏繼妣曾氏合葬墓在本鄉珮山坤申嚮

浩庵公妣黃氏合葬墓在本鄉牛山甲卯嚮茂德公常達公殷達公寶

溪公韞山公附葬墓內並詳下



端甫公妣關氏合葬墓在本鄉西方龜山巽巳嚮附葬抱璞公墓

清甫公妣關氏合葬墓在本鄉西方龜山巽巳嚮附葬抱璞公墓

瑞甫公妣張氏合葬墓在本鄉西方龜山巽巳嚮附葬仲璽公墓

延嗣公妣關氏合葬墓在本鄉大望山辛酉嚮附葬可山公墓

澤俊公妣李氏繼妣黃氏合葬墓在本鄉大望山辛嚮

存真公妣何氏合葬墓在本鄉蝸山鄉志作花山辛嚮仁長公附葬墓

右詳下

虞生東陽公妣譚氏合葬墓在本鄉蝸山鄉志作花山庚申嚮

附葬四古公墓墓域國朝乾隆四十三年戊戌遷建

秀清公妣關氏合葬墓在本鄉鎮山庚嚮附葬純一公墓

樂濤公妣關氏合葬墓在本鄉鎮山庚嚮附葬最齋公墓墓域



國朝咸豐九年己未脩

潛谷公妣關氏合葬墓在本鄉鎮山庚嚮

附葬最齋公墓墓域

國朝咸豐九年己未脩

武臣公妣潘氏繼妣譚氏合葬墓在鶴山傑洲村芙蓉山

乾嚮墓域 國朝乾隆六年辛酉建

伊谷公妣關氏合葬墓在鶴山傑洲村芙蓉山乾嚮

與武臣公

同墓墓域 國朝乾隆六年辛酉建

十二世會江公妣關氏合葬墓在本鄉石喬山丙巳嚮

附葬青藜公墓

墓域 國朝道光二十一年辛丑脩

柳軒公

碑題鼎盛公

妣關氏合葬墓在本鄉西方龜山庚嚮

隱畦公

碑題逢貴公

妣關氏合葬墓在本鄉飛鸞嘴未丁嚮

墓地



闊五尺二寸  
長七尺二寸

拔貢生高州府儒學教授前任清遠文昌兩縣儒學教諭

北渚公妣關氏合葬墓在本鄉鎮山乙卯嚮墓域 國

朝乾隆十一年丙寅建三十五年庚寅嘉慶十七年壬

申脩墓誌銘新鄭知縣何如澐撰

詳下接  
希公墓

困矩公妣盧氏合葬墓在本鄉鎮山癸嚮

旗在公附葬墓  
內詳下墓地闊

八尺五寸長  
九尺五寸

禮部儒士接希公妣關氏合葬墓在本鄉鎮山乙卯嚮

與北

渚公  
同墓墓域 國朝乾隆十一年丙寅建三十五年庚寅

嘉慶十七年壬申脩墓誌銘新鄭知縣何如澐撰

墓地  
闊一

丈三尺六寸長  
一丈五尺五寸



清故文林郎高州府儒學教授北渚朱公禮部儒士  
接希朱公墓誌銘

賜進士出身文林郎河南開封府新鄭縣知縣年  
家眷弟何如澧頓首拜撰

余解組家居朱君宗玉攜先人之行狀來請曰余先  
祖考妣先叔祖考妣乾隆丙寅歲合葬於鎮山三十  
五年矣今重脩其墓子其誌之朱君處余家西席時  
備悉其家世德安敢以不文辭也按狀北渚公諱順  
昌字宏矩一字叔劉自幼文聲籍甚康熙甲子歲補  
肇慶府恩平縣弟子員乙丑拔貢肄業成均大司成  
翁公器重之時年二十六歲康熙己丑選授廣州府



清遠縣儒學教諭辛卯丁外艱歸服闋補授瓊州府  
文昌縣儒學教諭康熙乙未奉 旨赴京考試引

見暢春苑雍正五年丁未恭遇 覃恩賜贈考妣錫

之 勅命蓋異數也己酉陞授高州府儒學教授年

登七十歷任一十四載所在各有異政告休歸里與

門生世誼詩酒往來兼精書法臨池染翰無虛日著

有古循閒曠江邨雜詠清署吟北行草南游紀行海

外集各一卷藏於家接希公北渚公之四弟也諱順

恭字同矩精計然之術致家饒裕晚歲援例授禮部

儒士時怡情於絲竹歌曲之中有隱君子風焉夫沛

國朱氏以孝友傳家今兩公合葬於此與兩公之母



勅贈孺人黃氏之墓相去不遠朱君昆玉殆以是而誌先人孝友之德於不朽矣夫銘曰

顯於朝膺天祿隱於家備百福曰牛眠鎮山麓合葬斯雍且睦熾而昌可豫卜

乾隆三十五年歲次庚寅十二月初十日

廣東通志何如澹南海縣人雍正十一年癸丑進士

謹按暘谷公

地贈勅書一在康熙

五十三年一在康熙六十一年墓誌言雍

正五年恭遇

覃恩疑誤又兩次邀

贈僅舉其一亦畧

純庵公妣關氏合葬墓在本鄉象山坤申嚮

舊作未嚮墓域



國朝乾隆六年辛酉建道光十年庚寅脩墓誌揀選知

縣從姪吉兆撰

譽著公附葬墓內詳下

冠西公繼妣黃氏合葬墓在本鄉馬山申庚嚮墓域 國

朝嘉慶十九年甲戌建墓誌揀選守備孫瑛撰妣關氏

別葬飛鷺山西庚嚮墓域康熙五十六年丁酉建

主簿銜江峯公妣鄭氏合葬庶妣黃氏陪葬墓在本鄉大

望山安遇公墓下未丁嚮墓域 國朝乾隆四十九年

甲辰建墓誌銘稷山知縣關上謀撰

二樂公墓附墓下詳下

清故候選縣主簿朱公墓誌銘

鄉進士文林郎山西稷山縣知縣前知永和石

樓縣事加二級紀錄二次年家眷姪關上謀頓



首拜撰

公諱元叔字乾滋號江峯迺朱氏始祖諱子議之十一世孫諱應宣號安遇之五代孫諱之報號耿庵之第七子也幼孤無藉孝友蹶興業富行能性成貞惠蒙學三載與人爲傭旋而負販旋而貨殖歷數年坐賈於村墟贏餘頗積凡昆弟戚屬及文士中之困乏者罔不周恤之然終以儒術未脩壯志未酬爲歉爰於傭保中得順邑陳君而委其任復脩執贄禮從學於鄉茂才登五曾先生雍正七年遵例肄業成均十年特授縣主簿歷應乙卯丙辰兩科鄉試雖不售鄉人屬耳目論者謂漢公孫宏承宮等俱起徒隸傭伍



卒能脩儒學監功名公之志事非不古人如也其成  
就有幸不幸焉子嗣稍遲年四十五鄭孺人擇於女  
子之賢淑者得黃孺人爲側室舉一子卽余畏友國  
學生大昌也大昌自少而壯與余等論詩文談騷賦  
縉紳羣以莊士目之厄於場屋未展厥才然八子翩  
翩今已疊蜚黌序將有不可量者今年二月公長孫  
茂才璋等承迺父命郵筒遞書備載祖父母喪葬乞  
余誌墓余以政務殷繁艱於執筆况公家文學錫遠  
先生所題銘旌孝友貞惠四言定評不磨矣何必誌  
雖然余與嗣君締交轉密知公之履歷頗詳兼以鄉  
黨傳聞父師借勸親民苟暇必與公別作一傳以表



揚於永世是又余之不敢辭者公生於康熙二十九年庚午七月初二日未時終於乾隆十一年丙寅十一月初九日亥時享壽五十有七鄭孺人生於康熙三十六年丁丑九月三十日酉時終於乾隆四十九年甲辰二月十四日巳時享壽八十有八黃孺人生於康熙六十一年壬寅正月十二日卯時終於乾隆二十九年甲申三月二十日未時享壽四十有三今孝子孫曾奉三柩安葬於鄉之元山坐丑嚮未兼癸丁之原公在東鄭母在中黃母在西并誌銘曰  
元岡之陽來龍一席蓮鏡亭亭月角奕奕氣聚風藏  
山青水赤萬子萬孫琳瑯珠璧



乾隆四十九年歲次甲辰四月初四日

南海縣志關上謀乾隆三十六年辛卯舉人亦見九江儒林書院題名

萃庵公妣梁氏合葬庶妣何氏陪葬墓在本鄉飛鳳山子

壬嚮

厚庵公

碑題敦客公

妣黎氏合葬墓在本鄉鎮山癸子嚮

澄元公輝

揚公耐葬墓內並詳下墓地闊一丈一尺長八尺

乾叟公

碑題天士公

繼妣劉氏合葬墓在本鄉蝸山

鄉志作花山

玉

帶基乾戌嚮

墓地闊九尺五寸長一丈三尺

妣馮氏

墓佚

廷齋公妣徐氏合葬墓在本鄉大望山蜘蛛嘴乙卯嚮

附葬

鏡湖公墓

墓域

國朝道光二十二年壬寅脩

舉人肇慶府儒學教授前任靈山縣儒學訓導木齋公妣



黎氏繼妣吳氏合葬庶妣鍾氏陪葬墓在本鄉飛鷺山

異辰嚮墓域 國朝道光二十一年辛丑脩 墓地闊五尺長九尺

靖齋公妣張氏合葬墓在本鄉大望山蜘蛛嘴乙卯嚮 祀

鏡湖公墓 墓域 國朝道光二十二年壬寅脩

壽官岐齋公妣關氏合葬墓在本鄉貞頂山午丁嚮 墓地闊六

尺長九尺

宣元公妣何氏合葬墓在本鄉蝸山 鄉志作花山 辛酉嚮墓域

國朝咸豐六年丙辰遷建 榕莊公附葬墓右宏川公墓 祀 墓下並詳下墓地闊

七尺二寸長八尺五寸

樂舒公繼妣黃氏合葬墓在本鄉月山庚酉嚮墓域 國

朝乾隆三十六年辛卯建墓誌銘新鄭知縣何如澐撰



饒遠公容遠公附葬墓內並詳下  
墓地闊一丈四尺長一丈四尺  
妣黃氏別葬松岡據

舒公墓  
誌脩

何如澹  
見上

武江公妣關氏合葬墓在本鄉牛山丙巳嚮墓域  
國朝

乾隆十三年戊辰建

平莊公碑題煥長公  
妣關氏合葬墓在新會傑洲村黃塘山今

鶴山  
縣 良嚮

緣始公妣關氏合葬墓在本鄉蝸山鄉志作乾戌嚮附葬

公墓

純誠公妣鄭氏繼妣左氏合葬墓在鶴山坡山水口嶼山

壬亥嚮墓域  
國朝乾隆二年戊午建墓誌銘庠生族



叔長祚撰

平江公附葬墓內詳下墓地闊一丈二尺五寸長二丈九尺

樵山公妣鄭氏繼妣關氏合葬墓在本鄉馬山辰乙嚮

春松公妣關氏繼妣黃氏合葬墓在本鄉鶴翅山丑嚮墓地

關一丈長一丈二尺

惠聖公妣趙氏合葬墓在本鄉大望山癸子嚮

彌聖公妣周氏合葬墓在本鄉大望山癸子嚮與惠聖公同墓

敬山公妣關氏合葬墓在本鄉象山丁午嚮附葬會泉公墓墓域

國朝嘉慶十四年己巳脩

可君公妣曾氏合葬墓在本鄉象山丁午嚮附葬盛泉公墓墓域

國朝道光二年壬午遷建

太星公妣關氏合葬墓在本鄉大望山丙嚮



茂德公妣關氏合葬墓在本鄉牛山甲卯嚮

附葬浩庵公墓

裕齋公妣關氏合葬墓在本鄉象山庚申嚮

明山公附葬墓內直泉公

妣岑氏繼妣黃氏庶妣呂氏附葬墓下並詳下墓地闊五尺長一丈二尺

仁長公妣關氏合葬墓在本鄉蝸山

鄉志作花

山辛嚮附葬存真公墓

純禮公妣吳氏合葬墓在本鄉大望山丁嚮墓域 國朝

乾隆四十五年庚子建嘉慶六年辛酉脩墓誌銘廉州

府訓導黃世顯撰

炳齋公順齋公兩墓分附墓下左右並詳下墓地闊一丈長一丈二尺

南海縣志黃世顯乾隆四十五年庚子舉人亦見九江儒林書院題名

端長公妣吳氏合葬墓在本鄉芙蓉山乙嚮

允盛公勵峯公儀彬公附

葬墓內並詳下



念劬公妣黃氏合葬墓在本鄉蝸山鄉志作花山庚申嚮附葬四古

公墓墓域 國朝乾隆四十三年戊戌遷建

念雄公妣葉氏合葬墓在本鄉蝸山鄉志作花山庚申嚮附葬四古

公墓墓域 國朝乾隆四十三年戊戌遷建

泰常公妣周氏合葬墓在本鄉鶴岡乾戌嚮墓地闊六尺三寸長七尺

濯我公妣陳氏合葬墓在本鄉鎮山庚嚮附葬純一公墓

樂軒公妣黃氏合葬墓在本鄉蝸山鄉志作花山酉辛嚮文山公雲

鄉公附葬墓內並詳下墓地上段闊九尺長七尺五寸下段闊一丈四尺長一丈三尺

南嶺公妣陸氏合葬墓在本鄉鎮山乙卯嚮墓域 國朝

乾隆十九年甲戌建四十六年辛丑脩墓誌銘靈山訓

導族弟道南撰



清故處士南嶺朱公偕配安人陸氏合葬墓誌銘

廉州府靈山縣儒學訓導族弟道南頓首拜撰

郡庠生姪博頓首拜書

公諱先登字康岸號南嶺迺處士武臣公長子處士  
羽王公之孫廣郡庠生雲庵公會孫歲貢生廣西桂  
林府靈川縣訓導署興安義寧兩縣知縣綱齋公七  
世孫始祖獻謀公十二世孫也世居九江西方福田  
里公稟賦淳慤每訥訥自持處世以和接物以誠遇  
祖宗祀事必敬謹將之見子姓讀書必獎勸成之以  
故壽享遐齡福延奕禩今厥孫衣爲督學李文宗賞  
識以黎棗壽其文海內膾炙其諸瓜瓞雲初亦駸駸



乎正未有艾皆公盛德誘掖所致也余與公屬雁行  
公年長以倍與余先考會文酬唱歲時伏臘常得追  
隨左右余以父事之公每以讀書相勗余今驟膺微  
祿而公墓木已拱追維疇昔且感且泣其烏能已於  
詞以誌公於不朽也厥配陸氏溫柔淑慎與公克媿  
美云公生於康熙十七年戊午十一月二十三日丑  
時終於乾隆十九年甲戌三月二十三日酉時享壽  
七十七歲安人陸氏鶴山縣傑洲村人生於康熙十  
九年庚申七月初一日卯時終於乾隆七年壬戌十  
一月初三日子時享壽六十三歲生子三人女三人  
長適李次適曾次適余皆同里名族先於乾隆十九



年甲戌四月吉日奉公與安人柩合葬於本鄉鎮山坐辛嚮乙兼酉卯之原今碑碣斯墓謹誌而銘之銘

曰

善克昌後惟實斯有公與安人是圖是究德積厥躬

碑流人口俾熾俾臧天地同久

乾隆四十六年歲次辛丑孟冬下澣吉日

浦亭公妣鄭氏合葬墓在本鄉象山丁午嚮耐葬碧潭公墓

學閒公妣鄧氏合葬墓在本鄉象山丁午嚮耐葬碧潭公墓

凌海公妣黃氏合葬墓在本鄉鎮山乙卯嚮墓域 國朝

嘉慶十六年辛未建墓誌銘 欽賜副榜族姪博撰軒

公耐葬墓 下詳下



十三世庠生粵叟公妣張氏合葬墓在本鄉鶴岡丙嚮墓域

國朝嘉慶十六年辛未建道光十五年乙未脩

墓地闊一丈零

五寸長八尺七寸

實夫公

碑題秋長公

妣曾氏合葬墓在本鄉蝸山

鄉志作花山

辛酉

嚮

墓地闊八尺五寸長一丈三尺

純庵公

碑題程長公

妣黃氏合葬墓在本鄉大望山未坤嚮

林隱

公祔葬墓內詳下

伯豐公妣陳氏合葬庶妣黃氏陪葬墓在大同鳳皇山坤

未嚮

墓地闊一丈三尺長二丈二尺

位山公妣曾氏合葬墓在大同鳳皇山巳巽嚮

墓地闊一丈零五寸

長一丈五尺七寸



旃在公妣陳氏合葬墓在本鄉鎮山癸嚮附葬困矩公墓

譽著公妣關氏合葬墓在本鄉象山坤申嚮附葬純庵公墓

慶餘公妣關氏合葬墓在本鄉象山甲卯嚮為禮公附葬墓左詳下墓

地闊八尺五寸長九尺五寸

舉人河南汝州直隸州清軍同知樵南公妣陳氏合葬墓

在本鄉稔山卯嚮

壽官錦堂公妣關氏合葬墓在本鄉飛鳳山柳臺公墓下

子癸嚮墓域 國朝嘉慶二十年乙亥建

星齋公妣梁氏合葬墓在本鄉象山乙辰嚮

監生二樂公妣關氏合葬庶妣黃氏陪葬墓在本鄉大望

山江峯公墓下未丁嚮墓域 國朝嘉慶二十一年丙



子建墓誌銘署同知知縣門生關士昂撰

二樂先生墓誌銘

文林郎壬子科舉人挑發山西歷署蒲州府同知汾州府石樓縣知縣太原府太谷縣知縣門生關士昂頓首拜撰

先生姓朱氏諱大昌字昶霄號二樂迺王簿諱元叔號江峯冢嗣卽昂之業師也援例應科棘闈屢戰其文行何如昂不敢僭評當受業時常見其與鄉先達聯鑣文序互相頡頏又時與家羣從寧波分府上謀曾司成文錦輩往來吟詠疊韻至百生平行誼無遠邇咸稱莊士焉令嗣七人長曰璋舍文就武進上庠



而不荒筆研宛有儒雅風次日鴻擅貨殖次日程萬文譽冠時由歲貢部選訓導次日龍成童補武庠次日經市廛溷跡迥異斗筲次日雲萬性行惇謹起家國學次日蓮田園退處自得優游其餘孫曾數十類皆頭角崢嶸家聲丕振拭目可俟人以爲先生積善後人將食其報云生於雍正乙卯年八月二十日缺時終於乾隆乙卯年二月廿二日戌時享壽六十一有一子嫡出者四庶出者三女二嫡一庶一配關安人家孝廉元澆第四女孝敬慈惠隣里皆稱生於雍正壬子年九月初一日戌時終於嘉慶丙子年正月十四日午時享壽八十有五庶黃安人先先生歿碑



勒墓右故題銜不再書銘曰

大望之岡氣聚風藏公居其左爰得我所正室在中

福祿來崇副室在右克昌厥後月朗星輝三老同歸

鶴鳴馬逸千祥畢集

嘉慶二十一年歲次丙子仲春吉日

禮部

南海縣志關上昂乾隆五十七年壬子舉人亦見九江儒林書院題名

山甲寅

謹按碑版稱先生之例金石要例云有文

者稱先生吾學錄云耆舊或稱府君或稱

先生

詳上文

此大例也撰文出門人弟子之

手其稱先生則專例也如皇甫持正誌昌

黎墓稱昌黎韓先生墓誌銘之類是也關



明府此誌標題敘錄俱稱先生蓋用此例

按門人為業師作序狀碑誌等文無不稱先生者李漢作昌黎集序黃幹作朱子行狀雖子婿亦稱門人稱先生此古義也

增生龍泉公妣關氏合葬庶妣鄭氏陪葬墓在本鄉大望

山甲寅嚮

監生拜謙公墓在鶴山傑洲村芙蓉山乾嚮耐葬石塘公墓

文瑞公妣李氏合葬墓在本鄉大塘龜山子癸嚮

朗齋公妣關氏合葬墓在本鄉鎮山西辛嚮

澄元公妣關氏合葬墓在本鄉鎮山癸子嚮耐葬厚庵公墓

挺蒼公妣關氏繼妣羅氏合葬庶妣陸氏陪葬墓在本鄉

大望山蜘蛛嘴乙卯嚮耐葬鏡湖公墓墓域 國朝道光二十



二年壬寅脩

寅亮公妣陳氏合葬墓在本鄉大望山蜘蛛嘴乙卯嚮附葬

鏡湖公墓墓域 國朝道光二十二年壬寅脩

瑤階公妣關氏合葬墓在本鄉大望山蜘蛛嘴乙卯嚮附葬

鏡湖公墓墓域 國朝道光二十二年壬寅脩

寅軒公妣關氏合葬墓在本鄉石喬山坤申嚮墓地闊九尺長一丈

三尺

逸亭公妣關氏合葬墓在本鄉鎮山丙嚮墓地闊一丈長一丈二尺

馳贈儒林郎直隸州同知銜榕莊公妣馳贈安人黃氏合

葬墓在本鄉蝸山鄉志作花山辛酉嚮附葬宣元公墓墓域 國朝

咸豐六年丙辰遷建



饒遠公妣關氏合葬墓在本鄉月山庚酉嚮附葬樂舒公墓

庠生景園公妣陳氏合葬墓在本鄉象山甲寅嚮墓域

國朝嘉慶二年丁巳建道光二十六年丙午脩墓誌銘

揀選知縣族孫士琦撰墓地闊一丈二尺長八尺五寸

清故庠士景園朱公墓誌銘

寅神公 揀選縣知縣己亥科舉人族孫士琦拜撰

公諱福字錫遠號景園姓朱氏元處士獻謀公十一

傳生靖夫靖夫生樂舒樂舒三子公其仲也居儒鄉

西偏鬱水上曰盧橋洞河糜瘠鹵號少文學士公幼

穎林翬然秀出補學官弟子英聲雋一覺梁簡文有

言漣渙之水可居鄒魯之鄉可貴班班乎地以人傳



者也性夷曠徜徉盛世兼有水泉禽魚之樂以故材  
術非不可用無舍所爲爲人意優游漫浪竟以橫舍  
終其卒也以嘉慶丁巳三月七日距生康熙庚子三  
月五日享年七十有八配室陳氏鳴玉相莊克儷厥  
德生康熙丁酉正月七日乾隆甲寅四月五日先公  
歿合葬里中象山甲寅嚮之原男二人國典國薦孫  
五人曾孫九人元孫二人道光丙午十一月孫爲言  
等礪脩公墓來句銘銘曰

其行儒無破觚其文奇異夸毗不鳴以飛人曰數奇  
匪數之奇爾壽黎眉爾孫子是宜是謂繁釐

道光二十六年歲次丙午十二月吉日



容遠公繼妣關氏合葬墓在本鄉月山庚酉嚮附葬樂妣舒公墓妣

胡氏別葬象山據容遠公墓碑脩

得勤公碑題和妣關氏合葬墓在新會傑洲村黃塘山今隸

鶴山縣良嚮

樂閒公妣關氏合葬墓在本鄉鎮山申嚮

靜江公妣關氏合葬庶妣陳氏陪葬墓在本鄉蝸山鄉志作花

山丁午嚮澄軒公佳圃公次湖公附葬墓下並詳下

平江公碑題定乾公墓在鶴山坡山水口嶼山壬亥嚮附葬純誠公墓

茂軒公妣曾氏繼妣陳氏合葬庶妣黃氏陪葬墓在本鄉

牛山卯甲嚮

翠亭公妣關氏繼妣潘氏合葬庶妣何氏陪葬墓在大槎



區村後園嶺卯甲嚮

墓地闊一丈二尺長一丈

建遠公墓在本鄉象山丁午嚮

附葬會泉公墓

墓域

國朝嘉慶

十四年己巳遷建

隱吾公妣關氏繼妣梁氏合葬墓在本鄉象山丁午嚮

附葬

會泉公墓

墓域 國朝嘉慶十四年己巳遷建

馳贈文林郎山西平陽府襄陵縣知縣善臺公

碑題憲仰公

墓

在本鄉珮山坤申嚮墓域

國朝乾隆二十九年甲申

建妣贈孺人曾氏別葬象山寅甲嚮墓域

國朝道光

三年癸未建

信廷公妣余氏合葬墓在本鄉馬山壬亥嚮

仁卿公普山公附葬墓右

並詳下



潔堂公妣關氏合葬墓在本鄉牛山丙午嚮繼妣關氏庶

妣何氏別葬珮山坤申嚮

常達公妣關氏合葬墓在本鄉牛山甲卯嚮

附葬浩庵公墓

殷達公妣施氏合葬墓在本鄉牛山甲卯嚮

附葬浩庵公墓

朗山公妣梅氏合葬墓在本鄉象山庚申嚮

附葬裕齋公墓

維興公妣關氏合葬墓在本鄉象山艮嚮

壽官炳齋公妣張氏合葬墓在本鄉大望山純禮公墓下

之左丁嚮墓域

國朝嘉慶六年辛酉建墓誌銘庠生

族姪儒乾撰

清故 恩賜九品頂戴炳齋朱公墓誌銘

南海縣儒學選舉優行生員族姪儒乾頓首拜



撰

公諱務章字斐興號炳齋元明閒我始祖獻謀府君  
諱子議初定籍南海九江十二傳至從祖純禮府君  
諱公富生二子公其冢嗣也質直純儉寄業魚桑世  
俗紛華毫不介於念慮治家嚴飭惟以守分安生睦  
隣信友爲教自壯佼至於頽暮義方之訓不衰故子  
若孫恪遵庭誥咸臻成立皆其義方所致也當其年  
逾古稀子姓咸請介眉之祝公辭有待迨恭承  
覃恩榮膺冠帶戚族登堂禮侑酌兕稱觴公迺听然  
解頤曰農夫野老榮身惟俟子孫豈意身歷八旬亦  
自能邀榮於垂老乎則其志亦可想見矣公生於康



下海九...  
熙五十八年己亥八月初九日未時終於嘉慶六年  
辛酉十一月十二日寅時享壽八十有三幼聘劉氏  
女未醮而殂遵禮別葬配張安人生於康熙五十八  
年己亥八月二十四日未時終於乾隆三十九年甲  
子十月十二日辰時享壽五十有六生男四人桂芳  
松芳槐芳桐芳女一人孫五人公暨安人合葬於大  
望山純禮府君墓前左地諸孫挺發瓜瓞緜緜正未  
有艾異日 紫誥膺封顯榮身後其積善流光不  
更解頤於地下歟銘曰

仰惟碩德積厚流光彤歸窀穸聚若家堂瞻依永夕  
孝友彌長克昌厥後式表瀧岡



嘉慶六年歲次辛酉十二月十三日

壽官順齋公妣關氏合葬墓在本鄉大望山純禮公墓下  
之右丁嚮墓域 國朝嘉慶六年辛酉建墓誌銘庠生  
族姪儒乾撰

清故 恩賜九品頂戴順齋朱公墓誌銘

南海縣儒學選舉優行生員族姪儒乾頓首拜  
撰

公諱務賢字遠興號順齋系出元處士子議爲余從  
祖純禮府君次子府君諱公富有涓行故公少遵庭  
訓祇於厥父恭於厥兄言行出入無所欺隱家居則  
安業魚蠶勤督耕養時或外出端州高鶴採買魚苗



興販穀石交際俵債有長者風與兄務章金春玉應  
實爲合德以此垂裕將來恢宏先緒光大家風曷有  
涯乎無怪其壽享老年得被 覃恩之光寵也配

關安人持家勤儉爲族隣表率庶幾能儷公者公生  
於雍正庚戌年四月十六日申時終於嘉慶戊午年  
十一月十五日辰時享壽六十有九子男三人華芳  
榮芳世芳女一人孫三人公柩安葬於純禮府君墓  
前右地銘曰

山名水秀拱抱封塋公歸斯土百代攸寧穴同親長  
祥衍雲祚蕃昌叶卜奕世顯榮

嘉慶六年歲次辛酉十二月十三日



允盛公妣關氏繼妣張氏合葬墓在本鄉芙蓉山乙嚮附葬

端長公墓

文山公妣岑氏合葬墓在本鄉蝸山鄉志作花山酉辛嚮附葬樂軒

公墓

翥軒公妣關氏合葬墓在本鄉鎮山乙卯嚮附葬凌海公墓

十四世蔭堂公妣陳氏合葬墓在本鄉柏子山坤未嚮墓地闊七尺長

一丈

樂泉公妣黃氏合葬墓在本鄉松岡戌嚮墓地闊九尺長一丈一尺三寸

樂隱公妣明氏繼妣關氏合葬墓在本鄉蝸山鄉志作花山申

嚮墓地闊八尺四寸長八尺四寸

德隱公妣陳氏合葬墓在本鄉大望山戌辛嚮墓地闊一丈二尺長



八尺  
五寸

林隱公

碑題浩  
爵公

妣曾氏合葬庶妣湯氏陪葬墓在本鄉大

望山未坤嚮

附葬純  
庵公墓

承安公妣鄭氏合葬墓在本鄉鎮山壬子嚮

墓地闊八尺  
九寸長八尺

顯謨公妣馮氏合葬墓在本鄉蝸山

鄉志作  
花山

酉辛嚮墓域

國朝道光二十六年丙午遷建

墓地闊一丈二  
尺長一丈一尺

顯謀公妣張氏合葬墓在本鄉大望山庚酉嚮墓域 國

朝道光二十八年戊申遷建

宜軒公附葬墓內詳下墓  
地闊七尺五寸長九尺

永泉公妣張氏繼妣關氏合葬墓在本鄉鶴岡坤未嚮

武舉勉亭公妣關氏合葬庶妣潘氏陪葬墓在本鄉蝸山

鄉志作  
花山

已丙嚮墓域

國朝道光七年丁亥建咸豐三

年癸丑脩繼妣伍氏劉氏別葬飛鳳山子嚮



謹按關氏潘氏原葬鶴山大園村飛鳳山

庚酉嚮咸豐癸丑遷祔墓內

明著公

碑題亮壁公

妣關氏合葬墓在本鄉月山坤申嚮

墓地闊八

尺五寸長八尺

壽官守其公妣鄒氏合葬墓在本鄉月山上月角坤申嚮

武生玉田公妣關氏繼妣關氏合葬墓在本鄉鎮山乙卯

嚮

歲貢生南溟公妣關氏繼妣曾氏合葬墓在本鄉大望山

癸子嚮

墓地闊一丈長一丈二尺

武生雲田公妣關氏繼妣曾氏合葬墓在本鄉葫蘆山嘴

壬亥嚮



監生南臺公妣梁氏繼妣李氏合葬墓在本鄉大望山午

嚮

監生樸廬公妣鄭氏合葬庶妣明氏陪葬墓在本鄉象山

甲寅嚮墓域 國朝嘉慶二十二年丁丑建墓誌銘庠

生族孫逢望撰

清故國子監生朱公墓誌銘

南海儒學生員族孫逢望撰文

公初名宏盛字鸞彩以字行號樸廬國子監生居九

江北方石塘社我族自宋咸淳閒始遷祖諱元龍繇

南雄珠璣巷徙南海九江上沙里至公凡十五傳曾

祖庠序壽至百歲祖士高父尙鳴兄弟二人公居長



賦性純孝婉容愉色克體親心父母有疾必親侍湯藥無敢廢離母疾篤嘗焚香籲天願以身代己而果瘳人以為孝感所致云嗜好詩書以家窘甫弱冠卽棄舉子業依人爲質遷計克盡心力不負所託遂以居積致饒將營宮室宗廟爲先故前代祠宇坳脩諸度支必引爲己任焉儉約自持布衣藿食終身不改偶御冠帶里族咸相指目以坳見爲笑樂其清苦任眞亦天性也配室鄭氏生女一筵室明氏張氏明氏生男汝坤蚤殤女一張氏生男汝浩國子監生女二孫有壘有垣公生於乾隆三十五年庚寅二月二十九日終於道光十五年乙未七月五日享年六十有



六鄭孺人先公歿生於乾隆三十三年戊子正月十五日終於嘉慶二十二年丁丑二月初六日享年五十歲合葬於本鄉象山庚山甲嚮兼申寅之原銘曰孝友性成古之君子言藹如春心平似水馬鬣高封斯人杳矣宜爾子孫介以繁祉

咸豐十年歲次庚申十二月廿五日

壽官曦樓公妣鄧氏合葬墓在本鄉象山丙嚮

輝揚公墓在本鄉鎮山癸子嚮

附葬厚庵公墓

振寧公墓在本鄉蝸山

鄉志作花山

辛酉嚮

墓地闊四尺七寸長九尺

妣關

氏別葬象山甲卯嚮墓域並國朝咸豐六年丙戌脩

隱存公繼妣班氏合葬墓在本鄉鶴岡辰乙嚮妣關氏

墓佚



逸存公妣張氏合葬墓在本鄉鶴岡辰乙嚮

與隱存公同墓舜廷公附

葬墓下

詳下

愛霞公

碑題煥英公

妣馮氏合葬墓在本鄉象山艮寅嚮

墓地闊九

尺長九尺

鶴翎公妣周氏合葬墓在本鄉鶴岡坤申嚮

墓地闊七尺四寸長七尺

三寸

贈儒林郎直隸州同知銜宏川公妣贈安人關氏合葬墓

在本鄉蝸山

鄉志作花山

宣元公墓下辛酉嚮墓域

國朝

咸豐四年甲寅建墓誌銘揀選知縣族姪士琦撰

墓地闊

九尺五寸下闊一丈四尺五寸左右俱長一丈七尺五寸后土地三尺

清故宏川朱公墓誌銘



已亥科舉人揀選知縣族姪士琦頓首拜撰

公諱遇貴字國寶號宏川吾族自元處士獻謀府君諱子議始定籍爲南海縣九江鄉上沙里人十三傳有諱澄榕號榕莊者公考也公生而孝友榕莊公以販魚爲業性嗜酒家徒壁立酒如也公少傭於省垣得微直卽以奉甘旨未嘗有私財及長擅巧技能煮石汁成五色琉璃然素儻樂閒燕不專業其業少有所得足游費輒罷去日與二三知好觀劇流連取足自適而已性和煦於人無不容以故少長皆狎之至人有非義亦面折斷爭不少恕也與弟遇明同居處數十年無忤容兄弟之間鮮有如其友愛者安人



關氏淑慎而嚴相夫子奉尊章克盡婦道公與莊敬  
汔垂白不衰訓誨子姪如恐不及雖無疾言遽色必  
諄諄誥誠期於有成而後止憶琦與次琦在塾時公  
無數日不巡視來則必加敦督愛勉之誠殆結於性  
命而不能自己者烏虜若公者其邑里之善人不以  
習俗自汨其天者乎老而伉健以微疾卒易簣時猶  
呼家人出探報曰中矣蓋卽士琦次琦揭曉獲雋之  
夕報榜到門時也嘻異哉公生於乾隆丁亥十一月  
二十九日巳時終於道光己亥九月初七日卯時享  
年七十有三關安人生於乾隆癸巳九月初七日未  
時終於道光壬寅二月二十二日寅時享年七十男



一人長富端謹子諒能繼公志行又加勤焉孫男家  
驥長富奉公與安人柩安葬於本鄉蝸山辛酉嚮之  
原銘曰

蝸山之陽牛眠是卜氣聚風藏山環水沃營魄有歸  
元神永谷敢告雲初宛心式穀

咸豐四年歲次甲寅五月十二日

輝隆公妣劉氏合葬墓在鶴山傑洲村黃塘山良嚮

泰源公

碑題錫隆公

妣黎氏合葬墓在鶴山傑洲村黃塘山良

嚮

南朝公妣關氏繼妣岑氏曾氏合葬墓在本鄉牛山壬亥

嚮



懋庵公妣關氏合葬墓在本鄉大望山乙卯嚮墓域 國

朝嘉慶十年乙丑建墓誌銘署同知知縣關士昂撰地墓

關八尺長  
一丈二尺

關士昂  
見上

澄軒公妣關氏合葬墓在本鄉蝸山鄉志作花山丁午嚮靜江

公墓

峭峯公妣黎氏合葬墓在本鄉月山坤未嚮墓域 國朝

嘉慶十九年甲戌建墓誌銘署同知知縣關士昂撰賓國

公附葬墓右詳下墓地闊  
一丈二尺長一丈四尺

關士昂  
見上

純軒公妣梁氏合葬庶妣黃氏陪葬墓在本鄉馬山巳嚮



墓域 國朝咸豐三年癸丑遷建

儉堂公妣盧氏合葬墓在本鄉馬山壬亥嚮

德滋公妣關氏合葬墓在本鄉西方龜山腳乙辰嚮

衍斯公妣關氏合葬墓在本鄉牛山丙嚮

愿葬公附葬墓內詳下

從九品銜贈文林郎山西平陽府襄陵縣知縣奮之公妣

贈孺人張氏繼妣贈孺人關氏合葬墓在本鄉象山寅

甲嚮墓域 國朝道光元年辛巳建咸豐三年癸丑脩

墓誌銘湖南巡撫潘鐸撰

清故贈君奮之朱公墓誌銘

賜進士出身 誥授振威將軍 予告署理湖南

巡撫湖南布政使司布政使前兵部侍郎都察



院右副都御史巡撫河南等處地方兼管河南  
提督山西布政使司布政使按察使司按察使  
江西督糧道湖北荊州府知府京畿道監察御  
史兵部武選司郎中軍機章京翰林院庶吉士  
充己亥科廣東鄉試副考官庚子科會試同考  
官加三級江寧潘鐸撰文  
五嶺以南有厚德君子曰朱贈君奮之起自忽微能  
視躬燾後年六十八以道光九年卒卒後十年厥嗣  
四人皆翬翬有立伯子叔子同年貢上計入都與都  
人士激揚望實藉甚當時而贈君善教子之名一日  
隱然動京師又十年叔子令晉中以儒爲治所至士



庶嚴之如師親之如嬖晉人郭學士景僖目爲山西  
賢令程明道後一人賈光祿克慎謂良吏出晉陽者  
有于青天叔子來若相還也於時叔子以良吏聞天  
下天下又謂贈君餘福貫蒼生矣余旣與伯子弟弟  
有文字之知左官於晉又得叔子襄事叔子欲論譔  
先人之美以明著於後世莫余宜於是約略其系履  
允屬與行誼之大者爲之銘其系履曰贈君厥諱成  
發厥字鎮元奮之其別字厥邑南海厥鄉九江九江  
朱氏系出保昌趙宋南渡之季有元龍者由嶺趾來  
遷至贈君爲十五傳累傳號多名人而贈君大父連  
第父德進皆潛曜不顯其行誼曰贈君生而孤露幼



而單約艱難立家滋至小有一游吳會投老家園爰  
自任冠至於暮齒嗜義必顛覲貨能廉郵糝哺孤治  
道與墳黽勉昏喪收視廢殘交有始終戚郇有恩故  
朋友有所歸中外無閒言蘇人唐景泰大賈也君客  
閩門時與契轉貨來粵常主君年七十矣嘉慶丁卯  
將反蘇人之負之者且三千金弗能得也以券付君  
從容謂曰吾老矣恐不能復來故人贈別公幸辱收  
之君陽許諾明年唐不至君卒因長洲朱君履四千  
里外反其金河南范三者先富而貧亦依君濟珠江  
溺君罄貲求遺齒遺嫁孤女無失時常以歲三月挈  
友人祭其冢海泊三水韓某貸君貲屢折閱於後亡



且八百金慙弗能面也君診知有故召其子出券焚  
之嘗謂兒輩曰凡人力能竭而不及人非天命富  
貴意也汝曹識之矣其襟抱如此其允屬曰贈君初  
娶同里張處士國滄女產四子長士琦舉人今在公  
車次炳琦國學生次琦進士慙知孝義襄陵縣次  
宗琦郡增生繼娶關氏孫男八人兩娶皆有令德張  
孺人幼奇慧處士苛擇對偃蹇乞昏者數輩選贈君  
而歸焉莊而知義潔齊內外井井有法度五宗敬之  
關孺人育子如腹出慈良甚觀者不之別君子又以  
知贈君之德能行於家也銘曰

天待人彌缺累偉朱公知此意早毓龜晚榮膺攸好



德福備五國爵集天貺加孰謂奢始萌芽稟庭誥成  
縣譜繫頌聲召父父人食福於子孫飲江海知岷源  
古孝子今良吏望雲飛懷壤瘞我銘葬在其鄉象岡  
阡偕配藏

咸豐三年歲次癸丑十二月十二日

題名碑錄潘鐸江蘇江寧縣  
人道光十二年壬辰進士

謹按沈氏彤與友人論墓銘書云古人之  
銘廟與墓兼用之而誌則專用之於幽室  
南豐所寄歐陽舍人書迺謝其撰先大夫  
墓碑銘而作碑銘非幽室所用故其書雖  
嘗因銘及誌而所云或納於廟或存於墓



者固不論誌而但論銘也衛孔惺之鼎銘  
晉魏顥之景鐘銘銘之於彝器韓文公之  
烏氏廟碑銘袁氏先廟碑顏魯公之家廟  
碑銘之於碑石是皆所以納於廟者也於  
墓誌無與其存於墓者葬諸壙中則有若  
葬銘埋文墓誌銘墓甄文墳記壙記之屬  
立諸神道則有若墓表碑文墓碣銘神道  
碑阡表之屬其名兩不相假未有墓誌而  
古率于今立石壙外者惟南史裴子野傳載一事此  
當時藩王破常例重疊爲之耳按此事非詳上文  
其正也故碑碣與表葬後可刊而誌銘必



先期而作今奉委所作墓誌銘距葬期已遠幽室不得用其文但宜施之於表碣顯

刻墓前不得名之爲誌云云沈氏此書自

是正論

碑誌辨證已詳上文

是故有葬期迫而不及

攻石者則書輒石以誌若昌黎李元賓墓

誌銘柳州馬室女雷五葬誌之類是也有

葬日近而不及請他人者則自爲之銘若

涑水銘其兄周卿及昭遠之類是也凡皆

以誌必葬時納諸壙而無追立故也

癸辛雜識

引趙松雪云北方多唐以前古冢所謂墓誌者皆在墓中正方而上有蓋蓋豐下殺上上書某朝某官某人墓此所謂篆蓋也然古人亦自有追立



者周豫州刺史淮南公墓誌與騎都尉李君墓誌並是追立王氏芑孫謂宋元以後誌文爛漫數千言殆皆標列於外耳近世陳黃中作蔣林誌出於其子良騏之請去林葬十二年沈德潛作李魁春誌出於其孫恕之請去魁春葬五十一年袁枚作齊召南誌出於其兄周南弟世南之請亦謂距其死與葬甚久姚鼐作黃繩先誌出其子定文之請段世續誌出其子玉裁之請俱云補撰而伊爲皋誌出其曾孫秉綬之請距爲皋葬且歷三世然則贈君此誌追



撰雖非古義要亦近世名流達例也

昌南公墓在本鄉珮山坤申嚮

善畧公妣關氏合葬墓在本鄉珮山坤申嚮

在樞公妣關氏合葬庶妣關氏陪葬墓在本鄉牛山卯甲

嚮

仁卿公

碑題時望公

妣馮氏合葬墓在本鄉馬山壬亥嚮

附葬信廷

公墓

德亭公妣關氏合葬墓在本鄉蝸山

鄉志作花山

丁午嚮

寶溪公

碑題瑞祥公

妣關氏合葬墓在本鄉牛山甲卯嚮

附葬浩庵

公墓

直泉公繼妣關氏合葬墓在本鄉象山辛酉嚮墓域 國



朝嘉慶十年乙丑建道光二十二年壬寅脩墓誌知州

銜黃巖知縣馮錫鏞撰

錫軒公懷軒公兩墓耐墓下並詳下墓地闊一丈三尺五寸長

一丈六尺五寸

妣岑氏繼妣黃氏庶妣呂氏別葬本山庚嚮

耐葬

裕齋公墓

南海縣志馮錫鏞道光九年己丑進士亦見九江儒林書院題名

秀山公妣黃氏合葬墓在本鄉蝸山

鄉志作花山

辛嚮

墓地闊五尺長

六尺五寸

敏軒公妣劉氏合葬墓在本鄉大塘龜山申嚮

樂軒公繼妣程氏合葬墓在本鄉象山辛嚮

耐葬伯正公妣陳氏墓

繼妣梁氏別葬西方龜山乾巽嚮

壽官如軒公妣張氏繼妣陳氏合葬庶妣潘氏陪葬墓在



本鄉牛山已嚮

漱石公附葬墓左詳下

惠夫公妣黃氏合葬墓在本鄉龕貝山

鄉志作龕山

丁午嚮墓

域 國朝咸豐七年丁巳遷建

墓地闊九尺長一丈一尺

勵峯公妣劉氏合葬墓在本鄉芙蓉山乙嚮

附葬端長公墓

馳贈奉政大夫同知銜鳳羽公妣馳贈宜人關氏合葬墓

在本鄉鶴岡乾亥嚮墓域 國朝咸豐八年戊午遷建

九年己未脩

墓地闊一丈一尺長一丈五尺

謹按鳳羽公墓原在西方龜山關宜人墓

原在貞頂山改葬大望山咸豐戊午遷合

於此

雲卿公妣關氏合葬墓在本鄉蝸山

鄉志作花山

酉辛嚮

附葬樂軒



墓

介如公墓在本鄉鎮山辰乙嚮墓域 國朝咸豐九年己

未建

十五世布江公妣關氏合葬墓在本鄉飛鳳山子癸嚮

七尺  
五寸

庠生我坡公妣鄭氏合葬墓在本鄉象山甲嚮

二寸

餘盛公妣關氏合葬墓在本鄉鶴岡丁午嚮

四寸

逸軒公妣彭氏合葬墓在本鄉網山壬亥嚮

監生曉崖公墓在鶴山黃寶坑新村鳳翅山戊嚮

墓地闊  
一丈七



尺長二丈七尺 妣黃氏別葬本鄉象山甲嚮 墓地闊五尺一寸長一丈

賢和公妣關氏合葬庶妣潘氏陪葬墓在本鄉大望山癸

子嚮 墓地上闊九尺下闊七尺五寸左長八尺二寸右長八尺

雲程公妣關氏合葬墓在順德龍山鄉中榨岡辛酉嚮墓

域 國朝道光二十二年壬寅遷建 墓地闊九尺長一丈一尺

宜軒公妣曾氏繼妣關氏合葬墓在本鄉大望山庚酉嚮

祔葬顯謀公墓 墓域 國朝道光二十八年戊申遷建

雲鵬公妣關氏合葬墓在本鄉鎮山卯乙嚮墓域 國朝

咸豐七年丁巳建 墓地闊七尺長七尺

達聯公妣關氏合葬墓在本鄉鶴岡申嚮 渭濤公祔葬墓下詳下墓地闊

七尺五寸長八尺八寸

武舉梧軒公墓在本鄉蝸山 鄉志作花山 已巽嚮妣陳氏別葬



大望山辛酉嚮

台石公墓  
墓下詳下

從九品銜彤軒公妣陳氏台葬庶妣關氏陪葬墓在本鄉

鎮山壬子嚮

監生湖溪公妣張氏合葬墓在本鄉象山內嚮已巽外嚮

丙巳墓域 國朝道光四年甲申建

任軒公

碑題承  
遠公

墓在本鄉飛鳳山乙卯嚮

佾生浚泉公妣關氏合葬墓在本鄉象山寅嚮墓域 國

朝道光二十七年丁未建咸豐十年庚申脩墓誌銘揀

選知縣廖熊光撰

墓地闊七尺七  
寸長九尺四寸

清故處士浚泉朱君墓誌銘

辛亥 恩科舉人揀選知縣愚弟廖熊光頓首

拜撰



乙卯科副貢生敘銓儒學世愚姪陳培鏞頓首

拜書

公諱士森字深遠以字行號浚泉其先祖諱元龍者  
宋咸淳繇南雄珠璣巷始遷九江上沙里至公凡十  
六傳曾祖元叔授主簿祖大昌父雲萬俱國學生兄  
弟二人公居長生平敦孝友崇儉約喜周急下帷覃  
思嗜學不倦爲文操筆立就已丑府試屢列前茅因  
內幕索賅不與遂見絀戊戌歲蔡督學取錄古學僅  
充佾生鬱青雲之奇志甘白首以窮經困頓終身襟  
期恬退旣而聚徒講學家課尤嚴其子逢望弱冠青  
衿能自樹立信善人之有後也著有自得堂詩鈔四



書文鈔藏於家聘關氏未昏歿先娶關氏同鄉附貢  
生功偕女繼娶程氏高明縣附貢生琛女生男二人  
長逢望次逢适女三人孫男年登年益公生於嘉慶  
四年己未五月十四日終於道光二十七年丁未十  
月十五日享年四十有九葬於本鄉象山寅嚮之原  
銘曰

玉抱其璞珠潛於淵天爵自貴人爵奚論緬斯懿德  
蔭彼兒孫幽光必發炳耀乾坤

咸豐十年歲次庚申十一月

題名檔冊廖熊光南海縣人咸豐元年辛亥舉  
人陳培鏞南海縣人咸豐六年補行乙卯科副  
榜又俱見九江  
儒林書院題名



舉人辰階公墓在本鄉鶴翅山子癸嚮墓域 國朝咸豐

三年癸丑建墓誌銘揀選知縣族弟士琦撰

族兄辰階孝廉墓誌銘

己亥科舉人揀選知縣族弟士琦撰文

勅授脩職郎肇慶府高要縣儒學教諭門人李徵

肅書丹

族兄孝廉君諱堯勳字瑞占號辰階寔元始祖諱子

議字獻謀府君十五傳孫大父炳元爲郡諸生有聲

一時父種玉鄉居教授世其家學君生而聰穎雙目

炯然甫就傅端謹如成人爲文章操管屬思深入理

窅泊乎脫橐則又怡然理順渙然冰釋若未嘗極意



經營者家素窶少隨父館它氏茹苦力學寒暑弗輟  
年十七卽爲童子師授館河清恆自執炊盞粥之外  
無長物晏如也嘉慶戊寅受知於督學傅少卿棠充  
博士弟子員應聘授徒益淬於學年五十領道光庚  
子恩榜鄉薦其文蓋君十年前所擬撰座右楊太  
史能格高侍御人鑑深賞之知文章有價而遇合之  
遲速固有默司其柄者至是而君之困於場屋者廿  
三載矣壬子冬奉旨以明年大挑復計偕北上時  
盜襲金陵江淮道梗至姑蘇幡然南返抵里後霑微  
疾數月竟不起君性和易平居無戚容晚更充養完  
粹鄉人士無少長皆重之以咸豐癸丑十月初六日



申時卒距生於乾隆辛亥十月十八日未時享年六十有三配黎氏子男三人長廷誥先君歿次廷詔次廷詢女四人孫男三人斯涇廷誥生諸孫斯立斯泳君素所善李君秀章先購地於鄉之鶴翅山君垂危時卜兆不卽得遂舉以贈並賻金襄事爲營窆岁積石立阡焉烏虜若李君者其亦好義之雄弗以存歿閒其交情者矣琦總角肩隨稔君始末不可以不文辭迺屑涕而銘之銘曰

鶴翅之陰吉兆是求故人高義一贈千秋牛眠旣宅蟻結兼籌書厨永闕模楷長畱元魄冥冥此山之陬咸豐三年歲次癸丑十月 日



李徵爵同縣大同堡人原名鳴韶南海縣志李鳴韶道光十二年壬辰舉人

謹按辰階公誌未兼詳李君賻金與墳事

其義例蓋本韓文昌黎銘墓凡此類必謹

書之如誌李觀李元賓墓誌銘客死京師既斂之三日友人博陵崔

宏禮葬之於國東門之外盧殷登封尉盧

七里鄉曰慶義原曰高原殷墓誌在

登封盡寫所為詩抵故宰相東都留守鄭公餘慶畱守數以帛米周其家將死自為

書告畱守與河南尹乞葬畱守尹為具凡葬事十一月某日葬嵩下鄭夫人墓中

孟郊貞曜先生墓誌銘貞曜先生孟氏卒無子其配鄭氏以告愈走位哭明日

使以錢如東都供葬事遂以書告興元尹故相餘慶閏月樊宗師使來弔告葬期興

元人以幣如孟氏賻且來商家事十月庚申樊子合凡贈賻而葬之洛陽東其先人

墓左以餘財附柳宗元柳子厚墓誌銘其

其家而供祭祀



志於教也  
觀察使河東裴君行立行立有節 諸篇是  
概重然諾與子厚結交竟賴其力

也固足表生死交情而薄俗衰遲與爲風

屬於世道人心不無裨補亦文字微權也

壽官槐莊公妣關氏合葬庶妣陳氏陪葬墓在本鄉馬山

申庚嚮墓域 國朝道光六年丙戌建咸豐三年癸丑

脩墓誌揀選知縣吳芸撰

清故 恩賜八品頂戴槐莊朱公墓誌

甲辰 恩科舉人揀選知縣通家晚生順德吳

芸頓首拜撰

公諱帝長字殿榮號槐莊其始祖朱公獻謀於元初

定籍南海遂世爲南海九江鄉人十四傳生宏貴號



爵軒公卽爵軒季子也少孤貧就童子師僅二載每以未能從師廣讀爲憾比長稅廡業賃春暇則披覽古今書史談秦漢唐宋事瞭如指掌娓娓不倦至其操奇贏講貨殖居奇料量百不失一遂以貲起家公爲人謙以處世儉以持家下至門童爨婢未嘗加以辭色其寬中有容閭里咸稱歎焉年逾八旬精力不衰步履躡捷如少年道光丙午恭逢

皇太后

壽官萬壽公恩賜八品頂戴兒孫羣從燕喜稱觴蓋其

擴量宏故其獲福厚也安人關氏克稱內助嘗典釵釧助公經營紡績朝昏共襄家政側室陳氏勤勞同志佐筵無尤公生於乾隆壬午年九月初四日戌時



終於道光丙午年十二月初四日卯時享壽八十有  
五關安人生於乾隆癸未年五月初一日巳時終於  
道光丙戌年十一月廿四日寅時享壽六十有四陳  
安人生於乾隆庚子年九月初九日申時終於咸豐  
癸丑年八月廿九日未時享壽七十有四男四人長  
疊昌更名軼羣國學生次麟昌次裔昌次作昌女四  
人孫七人曾孫二人軼羣等奉柩合葬於鄉馬山坐  
寅嚮申兼甲庚之原軼羣攻舉子業與余稱石交知  
公行誼故樂爲之誌而不敢辭

咸豐三年歲次癸丑九月吉日

題名檔冊吳芸順德縣人  
道光二十四年甲辰舉人



壽官光國公妣周氏合葬墓在本鄉蝸山鄉志作花山辛酉嚮

墓域 國朝道光二十七年丁未建墓誌銘揀選知縣

族弟堯勳撰墓地闊一丈四尺長八尺五寸

拱屏公妣關氏合葬墓在本鄉象山丁嚮墓地闊一丈一尺長一丈九尺

舜廷公墓在本鄉鶴岡辰乙嚮耐葬隱存公墓

盛軒公碑題茂隆公墓在鶴山黃寶坑龍珠月角山甲嚮墓域

國朝道光十八年戊戌建

純川公妣關氏繼妣關氏合葬墓在本鄉大望山癸子嚮

弼亭公妣關氏繼妣陳氏曾氏合葬墓在本鄉鶴岡巳丙

嚮墓域 國朝嘉慶十二年丁卯建墓誌銘庠生關其

祥撰墓地闊九尺長一丈五尺庶妣關氏別葬西方龜山腳內嚮巳



外嚮巽巳

墓地闊一丈長八尺二寸

關其祥同鄉人

逸湖公妣關氏合葬墓在本鄉月山坤申嚮

樂時公附葬墓下詳下

柑湖公

碑題南湖公

妣劉氏合葬墓在本鄉松岡庚申嚮

佳園公妣關氏合葬墓在本鄉蝸山

鄉志作花山

丁午嚮

附葬靜江

公墓

次湖公

碑題耀國公

妣關氏合葬墓在本鄉蝸山

鄉志作花山

丁午

嚮

附葬靜江公墓

賓國公墓在本鄉月山坤未嚮

附葬峭峯公墓

壽官鳳墀公妣關氏繼妣張氏合葬庶妣關氏陪葬墓在

本鄉月山卯嚮



愿莽公墓在本鄉牛山丙嚮附葬衍斯公墓墓域 國朝咸豐四

年甲寅建

謹莽公墓在本鄉大塘龜山申坤嚮墓域 國朝咸豐七

年丁巳建

舉人贈文林郎山西平陽府襄陵縣知縣晚亭公妣贈

贈孺人黃氏合葬墓在本鄉貞頂山巽辰嚮墓域 國

朝咸豐六年丙辰建墓誌銘江南道御史梁紹獻撰

清故 贈文林郎山西襄陵縣知縣舉人揀選知

縣朱君墓誌銘

賜進士出身 誥授奉政大夫江南道監察御史

前翰林院編脩 國史館纂脩充丁未科會試



同考官隨帶加一級紀錄四次同邑梁紹獻撰  
文

吾友朱君畹亭旣沒之五年其弟子襄攜所輯行狀  
示余且述其先兄遺言屬余銘其墓余與畹亭交最  
久知之亦最深曷敢以不文辭謹按狀畹亭名士琦  
字贊虔世居南海九江鄉祖德進不仕父成發從九  
品兩世俱贈文林郎昆弟四人君居長自幼束脩嚮  
學道光四年補邑庠十二年補廩餼督學使者每臨  
試廣州君輒列前茅十九年己亥鄉試與弟子襄同  
捷君以第三人魁其經年四十五矣丁未會試子襄  
獨登第君雀躍曰弟齒比我富能比我高君恩祖德



圖報當靡涯也而綜計君之生平前後會試者六過  
夏待試者三上公車而未至者一束髮試有司皓首  
隨計吏蓋終身皆在名場中論者以君抱用世才使  
及時振蹕仕途可以大展所學惜乎其終於不遇焉  
顧吾觀古之稱三不朽者立言與立德立功並重余  
嘗讀君所著禦盜方畧謂南順十一堡地控長江界  
連數縣爲五方之輻輳居百粵之下流土廣人稠言  
厯事雜宜按切形勢合爲一團豫杜災變其書於團  
中保甲操防聲援阨塞鑄造抽分儲侍諸法纖悉具  
備又於道光九年因西潦決桑園圍君約同志奏記  
當道籲請疏通下流痛除積害書上大吏咨嗟動色



主者奉行不力事竟無成然指陳鑿鑿坐而言者實  
可起而行至於遇之通塞命也晚亭究何慊乎哉君  
爲人磊落耿介天性尤孝友事繼母能得其驩心撫  
愛諸弟最篤初計偕北上途中與季弟書有曰自惟  
寡薄豈辦任官此行邀福或叨一第思遂南歸寄迹  
丙舍將吾叔仲長奉板輿陸機之屋不閒乎東西何  
點之山畧分乎大小時及霜露言羅雞豚祀先之餘  
兼以速客風詩教睦取鹿食之相呼金石歌商結鶉  
衣而不恥明明如月長照其素風溫溫恭人永垂爲  
家法閉門養親至於沒齒雖三公上袞百城南面何  
以易此哉朗誦此書令人孝友之心油然而生矣平



日健於爲文尤研究聲詩兼精醫學羅蘿村先生謂其詩從漁洋歸愚兩家議論入不從兩家議論出故其自得之妙不離於漢魏六季三唐風槩而自淪性靈張太守南山謂其晚作獨窺陶杜真詮古律皆如果熟霜紅氣味老辣昔在都門以醫術爲陳偉堂相國文孔脩趙蓉舫兩尙書所賓接余以體孱善病賴君調治之力居多陸宣公有言不爲良相當爲良醫君之謂矣所著有怡怡堂集其生以乾隆六十年九月二十八日卒於咸豐六年六月二十五日享年六十有二越月葬於其鄉大望山貞頂原以弟子襄官山西襄陵縣知縣贈君如其官配黃孺人無子先一



年歿側室子之繩幼學女子子二人余忝屬知交曩  
官京師時過從尤密謹按狀爲文誌其梗概如此并  
系以銘曰

大望之山貞頂之原君藏於斯安且吉兮以昌其子  
孫

咸豐十年歲次庚申十二月 日

題名碑錄梁紹獻廣東南海縣人道光二十一年辛丑進士按梁紹獻原名獻廷南海縣志舉

人已著錄

普山公

碑題冠賢公

妣曾氏合葬墓在本鄉馬山壬亥嚮

耐葬信廷

公墓

文齋公

碑題華書公

妣關氏合葬墓在本鄉象山乾嚮繼妣李



氏別葬墓左上方同嚮

韞山公

碑題燦  
玉公

妣岑氏合葬墓在本鄉牛山甲卯嚮

耐葬  
浩庵

公墓

錫軒公繼妣岑氏合葬墓在本鄉象山直泉公墓下辛酉

嚮墓域 國朝嘉慶十五年庚午建道光二十二年壬

寅脩墓誌揀選知縣族弟堯勳撰妣關氏繼妣黃氏庶

妣關氏別葬鎮山丑艮嚮

墓地闊六  
尺長七尺

懷軒公妣曾氏繼妣易氏合葬墓在本鄉象山直泉公墓

下辛酉嚮墓域 國朝道光十九年己亥建墓誌揀選

知縣族弟堯勳撰庶妣傅氏別葬龜山

據懷軒公  
墓誌脩

友石公妣關氏合葬墓在本鄉大望山辛嚮



漱石公妣陳氏合葬墓在本鄉牛山已嚮耐葬如軒公墓

儀彬公妣潘氏繼妣關氏合葬墓在本鄉芙蓉山乙嚮耐葬

端長公墓

義莊公墓在本鄉象山丁午嚮墓域 國朝道光十四年

甲午建

偉業公妣梁氏繼妣關氏合葬墓在本鄉象山艮嚮墓地闊

八尺五寸下闊一丈零八寸左右俱長一丈四尺

贈奉政大夫同知銜慕韓公墓在本鄉網帶山卯甲嚮墓

域 國朝咸豐七年丁巳遷建墓誌銘襄陵知縣族弟

次琦撰墓地闊一丈四尺長一丈四尺妣贈宜人張氏別葬西方龜山

已丙嚮



贈奉政大夫府同知銜朱君墓誌銘

賜同進士出身原署山西襄陵縣知縣前署孝義

縣事族弟次琦撰文

咸豐庚申置閏後七月族子福元攝衣冠奉功載叩  
庭下愬愬拜曰先奉政棄不肖孤踰十年不肖孤沐  
食麻蔭無能邁迹發名以光揚其志業今荷 國寵  
靈而先緒卒沒沒未顯厥戾滋大吾叔奉哀假之遂  
拜且泣余曰然惟迺考奮而勤身愿而不忘本用能  
延展世德以庇賴其子孫於法得銘謹按君南海九  
江朱氏與余同祖者三世其四世爲同母舅弟故余  
與君衡宇相望爲比隣君祖一傳爲靈川司訓諱文



錦以明倫謹身教士有名嘉靖時司訓八傳至君大  
父斐章父存禮皆微在田畝君孤貧棄讀年十八迺  
跳身西徼營業於龍州龍州土劣君安之數年繼籌  
鹽筴於越南之河內而歲轉於滇粵往來鎮安開化  
閒其後置筵寄帑不離河內休老告終終在故居將  
終遺言曰吾薄祜離鄉雙親先在淺土爽塏營遷崦  
岫遽迫汝曹速成吾志以贖曩愆吾有嫠妹貞苦無  
依瞻老篤終旣吾後責餘無它言然則君雖長爲旅  
人乎其積念未嘗不倦倦厥家也君卒以道光廿九  
年三月廿六日春秋六十有九初厝鄉之大望山越  
九載迺定兆於網帶山配同鄉張氏生子啟元筵室



子奎元耀元福元顯元啟元後君五年歿耀元後君  
以八年福元援例同知顯元援例州同知女二人孫  
八人初君之出也僅一再寧家於後去鄉且三十年  
卒獲舊里考終子孫逢吉今奎元福元等又克式廓  
慶餘以不瑕於遠永懷明發以篤厚於宗皆善體君  
勤身不忘本之懿而推大之烏虜可尙也已君諱庭  
桂字兆榮後更曰廷貴又字慕韓同產四人君行長  
惟君以子贈奉政大夫銘曰

睿惟羈孤能蹶興爲山季匪因邱陵西逝賁古南麓  
洽雖弗陶頓亦載羸雖弗錢盱亦有齡卅年爲世飛  
電驚歸如化鶴遼東丁網峯蔥鬱邱首稱降嘏兩地



生寧馨丕視德載以有銘

咸豐十年歲次庚申十二月 日

十六世清海公妣關氏合葬墓在本鄉鎮山丑艮嚮

墓地闊七尺長一丈

副貢生分發教諭普存公墓原在本鄉大望山辰嚮墓域

國朝咸豐八年戊午建九年己未脩墓誌增貢陳觀

濤撰十年庚申遷葬鎮山辛酉嚮

墓地闊六尺五寸長九尺

清故分發教諭前就職直隸州州判朱君墓誌

增貢生同里陳觀濤撰文

刑部主事門生崔桂書丹

君姓朱氏原名澄湘字廷琛後更名庭森號普存其

始遷祖元龍由保昌縣居南海九江父光宇國學生



君幼奉庭訓頭角嶄然道光四年補郡庠十一年中  
副榜廿一年就職直隸州州判旋改就教職咸豐五  
年絲捐輸奏准以復設教諭選用生平慷慨任事見  
義必爲其尤著者業師潘孝廉澍漳卽世君搜諸同  
門勸分得五百餘金經紀其家嘗爲黨正止畧債禁  
博筮驅巫祝之惑民者鄉人德之其未仕而暫就齋  
務也厯興業賀縣兩牢盤流賊擾賀脅以刃君談笑  
卻之不爲害又值土客械鬪同事者逸矣君挈同張  
君民則獨畱險阻備嘗卒能全濟其身而商戶所託  
汔無損濤與君交最深咸豐三年游楚又二年轉賀  
握手話舊得悉其詳爲歛歔久之烏虜君往矣設使



生爲朝廷守土一旦有變必能戡其亂而扶其危卽  
不幸萬難圖存又豈若倖生者流棄信地而遁逃蒙  
愧恥以求活哉至於居家孝友能容門內橫逆又彰  
彰在人耳目中者君生於嘉慶三年七月廿七日終  
於咸豐八年九月三十日享年六十有一配曾氏同  
鄉曾元剛長女生男三人長可錯次可鑿次可錡更  
名杰國學生女三長適同鄉庠生鄭君謙子次適同  
鄉國學關君侶麒子孫六人效文啟文耀文鎔文鍾  
文洪文君卒之月錯等奉厝於鄉之大望山辰嚮之  
原

咸豐九年歲次己未十一月 日



陳觀濤同鄉人崔桂同縣沙頭堡人

為禮公碑題註墓在本鄉象山甲卯嚮附葬慶餘公墓

為仁公碑題幹墓在順德龍山鄉柏子山午丁嚮墓地闊一丈一

尺長一丈二尺

渭濤公墓在本鄉鶴岡申嚮附葬達聯公墓

台石公墓在本鄉大望山梧軒公妣陳氏墓下辛酉嚮

綸閣公墓在本鄉松岡癸子嚮墓域 國朝咸豐元年辛

亥建

監生曉川公墓在本鄉馬山庚申嚮墓域 國朝咸豐三

年癸丑建庶妣劉氏祔葬墓右墓地闊一丈長一丈二尺七寸

唐階公碑題堯贊公墓在本鄉象山壬子嚮墓地闊五尺長七尺



誠齋公

碑題意 堂公

妣關氏合葬墓在本鄉龕貝山

鄉志作 龕山

庚

西嚮

墓地闊六尺長八尺

未入流銜照山公墓在本鄉象山坤申嚮墓域

國朝咸

豐六年丙辰遷建墓誌銘襄陵知縣族叔次琦撰

墓地闊八

尺五寸長 一丈一尺

清故朱少府墓誌銘

賜同進士出身原署山西襄陵縣知縣前署孝義

縣事族叔次琦撰文

道光廿一年辛丑十二月照山少府無祿年三十九

矣前卒召子兆鼈跽志遺訓且使乞銘於其族父次

琦泣言曰吾生無善於世不自揣挫歿願有庇於子



孫若爾吾哀必以夫子銘是吾果不愆棄於鉅人先  
生而有辭於來世也爾其勉之兆鼇弱能知哀將窆  
則哭來請銘屬余人事攘攘始以公車繼以憂未有  
以應也丁未冬余歸自京師將就官山右拮据稱貸  
事益冗督而兆鼇每見則搏頰請如初辭加巽無怨  
而顏色加蹙切以悲余心愧之抑無暇以爲然自赴  
官以後平生文字之責以遽皆不省錄獨少府存歿  
兩世辭意悃款時往來於胷中當夫寒更支枕長途  
馬上偶然棖觸未嘗不怦怦有動神恍恍而若有亡  
也少府蚤孤席溫飽游里巷不敢以辭色加人平居  
無子弟之過假能永年或將有立獨不牽死耳今兆



鼇祇奉先緒勛率諸弟如其謹又加才焉少府爲不  
死矣少府娶關氏無子側室子兆鼇曉鼇乘鼇女四  
人孫三人咸豐丙辰卜營少府新兆而余適解組歸  
迺大慰曰余今則可以銘矣蓋踰少府之歿忽忽十  
有六年逝者有知其將起舞樂受而蠲此諾責矣乎

銘曰

銘君藏姓朱氏諱祥光耀懷字小字報與號四父佐  
昌微無位君捐輸爵從未一命膺年遂躋鳳山麓滸  
溼漬徙象嶺高燠地惟有子邁祥懿我鑱石瞑君昔  
無後艱視茲志

咸豐六年歲次丙辰九月二十八日



謹按漢人碑版定例有一資者無不稱資如孝廉有道之類是也有一官者無不稱官如相府小史之類是也又本銘辭直謂以捐輸受爵蓋紀實也考捐納授職史傳多有而見於碑版尙希惟大周故珍州榮德縣丞梁君墓誌銘中有云命將出師千金之費逾廣飛芻輓粟萬里之糧宜繼君戶庭不出鞍甲匪疲遙因轉輸之勤遂受茂功之賞永隆二年以運糧勳蒙授上柱國又云紀事功成實憑子來之力穀林務畢仍覃發衷之旨垂拱二年以乾陵作功



別勅放選釋褐調補隱陵署丞則皆敘梁  
君出貲授官勳事也澤王府主簿梁君誌  
亦同

樂時公妣張氏合葬墓在本鄉月山坤申嚮

附葬逸湖公墓

憲昌公

碑題魯吾公

墓在本鄉馬山壬亥嚮墓域

國朝道光

二十五年乙巳建

十七世四海公妣黃氏合葬墓在本鄉象山乙卯嚮墓域 國

朝咸豐四年甲寅遷建

德凱公墓在本鄉大望山蜘蛛嘴卯嚮

墓地闊一丈三尺長二丈

外祖墓附

外祖關公妣麥氏合葬墓在本鄉蝸山

鄉志作花山

申庚嚮墓域



公顯國朝道光十年庚寅脩東陽公附葬墓下見上墓地

公顯墓關一丈一尺長一丈四尺謹按世紀關公同鄉人生宋元時世遠諱

公顯墓字行實俱佚為我始祖獻謀府君外舅麥

博顯豐四公氏迺其外姑無子妻吾始祖有恩吾家歿

二十廿四歲公與為邱封世與為展奠元明迄今五百有

二十五年餘歲增脩灑掃不懈益虔歲以祭祖墓日

憲昌公上其冢昔程子作上谷郡君家傳云先妣

樂朝公夫人侯氏享年四十九未終前一日命頤

曰今日百五為我祀父母明年不復祀矣

夫以程氏之門侯夫人之懿祀外氏者祇

及其身而我家則自上世以來有舉勿廢



陶淵明外祖孟府君傳所謂凱風寒泉之

思實鍾厥心是故矜矜繩繩與宗禋而俱

永也

朱子語錄汪德輔問祖考精神便是自家精神故祭祀來格若祭及外親

則其精神非親之精神矣豈於此但以心感之而不以氣乎朱子曰但所祭者其精神魂魄無不感通蓋本從一源中流出初無間隔雖天地山川鬼神亦然也

又按墳塋之制

大清通禮凡塋地

一品九十步封丈有六尺二品八十步封

丈有四尺三品七十步封丈有二尺四品

六十步封一丈五品五十步封八尺六品

四十步七品二十步封皆六尺庶士視七

品

庶士謂八品以下官至生監

庶人九步封四尺發步



均自塋心數至四旁

按塋地以步計者爲買地而葬它人不得

跨越或葬祖塋族人不得於步內更葬也若葬已業地有畸零或有前葬者步數不足皆不在此限又封冢高卑南北地勢異宜聽其減殺但不得踰等圍以垣

公侯伯周四十丈二品以上三十五丈五

品以上三十丈六品以下十有二丈庶人

八丈

按圍垣之制會典云公侯伯周八十度一品以下七十度三品以下六十

度六品以下二十四度庶民十六度度音託兩腕引長也五尺爲一度八十度卽四十丈與通禮所載文異而數同置守塋戶公侯伯四戶二

品以上二戶五品以上一戶六品以下二

人設石像生公至二品用石人石馬石虎

石羊石望柱各二三品減石人四品減石



人石羊五品減石人石羊石虎

按三品減石人四品

減石羊五品減石虎則六品以下減石馬庶士并去望柱可推而知又按設石像生之制風俗通云罔象好食死人肝腦故葬日爲方相氏入壙驅之又立方相於墓側罔象畏柏與虎故墓前植柏立虎漢霍去病墓立石人馬旌陽太守趙起墓有石柱炙轂子曰秦漢以來墓有石人羊虎柱如生前儀衛也今漢制傳於世者有門亭長水經注云酈食其廟石人冑前有銘字曰門亭長有府門之卒金石圖云魯恭王墓前東側一石人介而執笏高五尺腰圍七尺刻字曰府門之卒有亭長金石圖云一石人冕而拱手立額下裂紋如滴淚痕高五尺五寸腰圍七尺五寸刻漢故樂安太守庶君亭長十字與上府門之卒並肩西嚮立相去五六步唐人亦謂之翁仲王惕甫云余嘗東謁景陵二石人朝衣朝冠東立二石人介冑佩刀西立蓋東立者二大學士西立者二領侍衛內大臣也今以漢守相用門卒亭長之義推之則一



品官當用兩人對立如生前文武巡捕官之屬可也石獸則漢人所傳不一往往刻文獸膊其制有辟邪天祿說見上有師子武氏石闕紀孫宗作師子直錢四萬有馬水經注云曹嵩闕北夾碑東西對立二石馬高八尺五寸有虎隸續云种氏石虎刻文曰光和七年四月五日己丑孝子种覽元博所造有羊隸續云交阯刺史君羊交阯刺史四字為一行君羊二字為一行有龜淮源廟碑文云石獸表道靈龜十四此皆漢人墳壇石獸之可據者也

大清會典官民營

葬不得造立地券

按地券在隧道內石牀之前用輒石贊成官民

均不得僭用隧道故亦不得造地券若誌石藏葬壙中不在禁例碑碣之

制已詳上文通禮庶人有誌無碣

又按拜掃之禮

大清通禮歲寒食

或霜降節拜掃壙塋其日主人夙興率子



第素服詣墳塋執事者具酒饌僕人備芟  
剪草木之器從既至主人周眡封樹僕人  
剪除荆草汔以次序立墓前焚香供酒饌  
再拜在列者皆再拜興遂祭土神陳饌墓  
左上香酌酒主人以下序立再拜退又雍  
正元年定例凡公以下有頂戴官員以上  
周年百日及上墳常祭祭筵羊隻各照定  
例內減半用庶民常祭亦照定例從減按  
例謂喪禮初祭大祭也通禮初祭大祭民  
公筵十有五席羊七楮四萬侯筵十有三  
席楮三萬六千伯筵十有二席楮三萬二  
千均羊六一品官筵十席羊五楮二萬八  
千二品官筵八席羊四楮二萬四千三品  
官筵六席楮二萬四品官筵五席楮萬有



六千均羊三五品官筵四席楮萬有二千  
六品七品官筵三席楮萬均羊二庶士同  
庶人筵二席羊一楮六千減半謂一品官  
初祭大祭筵十席減爲五羊五減爲二或  
三楮二萬八千減爲萬四千上及民公侯  
伯下至士民各照前數減半據此則墓祭  
酒饌各有定制力不能具者酌用可也又  
按楮幣卽紙錢及金銀楮錠也唐書王璵  
傳云漢以來喪葬皆有瘞錢後世以紙寓  
錢爲鬼事五代史云晉祭顯陵焚紙錢於  
南莊周世宗慶陵用楮錢見聞記云魏晉  
以來始有紙錢今自王公至於匹庶通行  
之矣資暇錄云邵康節春秋祭祀約古今  
行禮亦焚楮錢鼠璞云以紙寓錢亦明器  
爾與塗車芻  
靈何以異

### 大清會典清明祭埽

官民均不得插用墳花

按墳花以楮錢爲之飾以采繒所謂

寶花也今民間掛用紙繒或插春條者不在禁例又讀禮通考論墓祭曰禮經無祭墓之文故先儒云古不墓祭墓祭自東漢明帝始然經雖無明文而傳記間有其



事如武王將東觀兵上祭於畢則周初有行之者矣曾子曰椎牛而祭墓不如雞豚逮親存也則春秋未有行之者矣孟子云東郭墠閒之祭則戰國時有行之者矣張良子孫上先冢并祀黃石則西漢初有行之者矣夫豈始於明帝哉特天子率百官上陵以每歲正月行之垂爲永制則自明帝始耳原夫古之所以不墓祭者人之死也骨肉歸於土而魂氣無不之魂依於主魄藏於壙魂有靈而魄無知故聖人祭魂於廟不祭魄於墓非祭於幽明死生與鬼神之情狀者孰能與於此然而展墓之禮經固有明文顏淵贈子路曰去國則哭於墓而後行反其國不哭展墓而入展墓者卽後世之所謂拜埽也桑梓之植楮楸之澤人子猶不敢忘况親之體魄所藏豈有終歲不省而能忽然者故拜埽不可闕拜埽旣不可闕則薦以時物將其愨誠亦禮之絲情而生由義以起者故蔡邕謂上陵之禮雖煩而不可省而朱子家禮亦載寒食墓祭之儀記曰有其舉之莫敢廢也今必欲廢千餘年通行之事以求合於古經



豈仁人孝子不忍死其親之心哉所可怪者末俗相沿流失日甚或假上墓之便召客宴會酣歌醉舞與踏青藉草之游同其驩暢夫過墟墓而生哀人之情也陶淵明與人飲周家墓柏下迺西晉放誕餘習禮法之士猶不爲矧一本之親而樂其所哀也哉君子以爲有人心者宜於此變焉矣李濟翁資暇錄言當時寒食拜埽多白衣麻屨朱子稱湖南風俗猶有古意人家上冢往往往哭盡哀今縱不必爾亦當致其怵惕悽愴之意行墳塋省封樹翦荆棘培土壤近者旋反遠則託旁舍一飯而去不用飲福是爲禮之變而不失其正者至若近世士大夫榮貴還家必上墓焚黃盛宴親舊鼓樂喧闐夸耀鄉閭恐亦非禮此當以告廟爲正如必欲從俗則去樂罷宴惟以公服行事可也家禮辨定論古墓祭用寒食曰毛西河云二十四氣之名不顯於經惟兒寬正朔議有云黃帝建氣物分數氣者二十四氣也其中啟蟄霜降諸名雜見月令左傳夏小正諸書而不能全見獨漢志孝經緯始全載人一本之太初歷是



太初以前清明未顯焉得有清明上墓之事惟寒食上墓則六朝初唐蚤有之如李山甫沈佺期寒食詩皆有九涼報親諸語全不始開元二十年之勅蓋寒食上墓前此所有而開元則始著爲令耳若清明則自六朝以迄唐末凡詩文所見並不及上墓一語沿及五代吳越王時羅隱有清明日曲江懷友詩始有二年隔絕黃泉下句至宋詩則直曰清明祭掃各紛然竟改寒食爲清明矣按寒食節名見於魏武令司馬彪續漢書及荆楚歲時記與清明相隔一日相傳自冬至一百五日爲寒食一百六日爲清明元微之詩初過寒食一百六日是也二節本相連而歷家祇取清明諸節編入歷中至寒食上巳諸節皆不之及因之世但知清明而不知寒食遂漸漸以寒食上墓事歸之清明理固然也則是墓祭大禮自古所有而清明之節亦復列代相因展轉有據家祭之外必當墓祭誰曰墓祭非古乎

### 又按喪葬墳冢之律

### 大清律例禮



律儀制載凡有

尊卑

喪之家必須依禮

定限職官

庶民三月而葬

安葬若惑於風水及託故停柩在

家經年暴露不葬者杖八十

若毀棄死屍又有本律按

乾隆三十七年例停柩未舉者以一年為斷除有力有地可葬者促令依禮安葬外

或一時實不得地許於城外任地權厝仍令上緊覓地安葬毋致久寄淺土倘有遠

年停柩不葬者按律治罪

其從尊長遺言將屍燒化及

棄置水中者杖一百從卑幼並減二等刑

律賊盜下載若卑幼發

五服以內

尊長墳冢者

同凡人論

按凡發掘墳冢見棺槨者杖一百流三千里發而未至棺槨者

杖一百徒三年

開棺槨見屍者斬

監候

若棄屍賣墳

地者罪亦如之買地人牙保知情者各杖



八十追價入官地歸同宗親屬不知者不

坐若尊長發

五服以內

卑幼墳冢開棺槨見屍

者總麻杖一百徒三年小功以上各遞減

一等

祖父母父母

發子孫墳冢開棺槨見屍者

杖八十其有故而依禮遷葬者

尊長卑幼

俱不

坐又刑律賊盜下條例凡愚民惑於風水

擅稱洗筋檢筋名色將已葬父母及五服

以內尊長骸骨發掘檢視占驗吉凶者均

照服制以毀棄坐罪

按賊盜律毀棄總麻以上尊長死屍者斬

監候棄而未失其屍及殘傷者減一等總麻以上卑幼各依凡人遞減一等毀棄子

孫死屍者杖八十其子孫毀棄祖父母父母死屍者不論殘失與否斬監候

幫



同洗檢之人俱以爲從論地保扶同隱匿  
照知人謀害它人不卽阻首律杖一百若  
有故而以禮遷葬者仍照律勿論凡發掘  
墳冢焚挖已葬屍棺洗骸易柩分析骨殖  
審係地師教誘將教誘之地師均照詐教  
誘人犯法律分別治罪又刑律賊盜上條  
例凡子孫將祖父墳塋前列成行樹木及  
墳旁散樹高大株顆私自砍賣者一株至  
五株杖一百枷號一個月六株至十株杖  
一百枷號兩個月十一株至二十株杖一  
百徒三年二十一株以上者民人發邊遠



充軍如墳旁散樹並非高大株顆止問不應重杖若係枯乾樹木不行報官私自砍賣者照不應重律杖八十看墳人等及奴僕盜賣者罪同盜賣墳塋之房屋碑石甃瓦木植者子孫奴婢計贓並准竊盜罪一等姦徒知情私買墳塋樹木者減子孫盜賣罪一等不知情者不坐其私買墳塋之房屋碑石甃瓦木植者均減盜賣罪一等樹木等物分別入官給主

又按嶺南喪葬惡習有四曰火葬曰洗骨

葬俗曰拾骨曰停喪不葬曰旣葬屢遷火葬行



於前朝近世久絕停喪多屬巨室吾族尙  
希然國俗旣有此流失不可不昭厲禁也  
爰甄取名論數則附存家牒永戒子孫

論火葬 顧氏炎武曰火葬之俗盛行於  
江南自宋時已有之宋史紹興二十七年  
監登聞鼓院范同言今民俗有所謂火化  
者生則奉養之具惟恐不至死則燔蒸而  
捐棄之國朝著令貧無葬地者許以官地  
安葬河東地狹人眾雖至親之喪悉皆焚  
棄韓琦鎮并州以官錢市田數頃給民安  
葬至今爲美談然則承流宣化使民不畔



於禮法正守臣之職也事關風化理宜禁  
止仍飭守臣措置荒閒之地使貧民得以  
收葬從之景定二年黃震爲吳縣尉乞免  
再起化人亭狀日照對本司久例有行香  
寺曰通濟在城外西南一里本寺久爲焚  
人空亭約十間以罔利合城愚民悉爲所  
誘親死卽舉而付之烈燄餘骸不化則又  
舉而投之深淵哀哉斯人何辜而遭此身  
後之大戮邪震久切痛心以人微位下欲  
言未發迺五月六日夜風雷驟至獨盡撤  
其所謂焚人之亭而去之意者穢氣彰聞



冤魂共訴皇天震怒心絕此根越明日據  
寺僧發覺陳狀爲之備申使府蓋亦幸此  
亭之壞耳按吏何人敢受寺僧之屬行下  
本司勒令監造震竊謂此亭爲焚人之親  
設也人之焚其親不孝之大者也此亭其  
可再也哉謹按古者小斂大斂以至殯葬  
皆擗踊爲遷其親之尸而動之也况可得  
而火之邪舉其尸而昇之火慘虐之極無  
復人道雖蚩尤作五虐之法商紂爲炮烙  
之刑皆施之於生前未至戮之於死後也  
展禽謂夏父弗忌必有殃旣葬焚煙徹於



上或者天實災之然謂之殃則凶可知也  
楚子期欲焚麋之師子西戒不可雖敵人  
之尸猶有所不忍也衛侯掘褚師定子之  
墓焚之於平莊之上殆自古以來所無之  
事田單守卽墨之孤邑積五年出萬死一  
生之計以激其民故襲用其毒誤燕人掘  
齊墓燒死人齊人望之涕泣怒十倍而齊  
破燕矣然則焚其先人之尸爲子孫者所  
痛憤而不自愛其身而田單思之五年出  
此詭計以誤敵也尉佗在粵聞漢掘燒其  
先人冢陸賈明其不然與之要約亦曰反



則掘燒王先人家耳舉至不可聞之事以相恐非忍爲之也尹齊爲淮陽都尉所誅甚多及死仇家欲燒其尸尸亡去歸葬說者謂其尸飛去夫欲燒其尸仇之深也欲燒之而尸亡是死而有靈猶知燒之可畏也漢廣川王去淫虐無道其姬昭信共殺幸姬王昭平王地餘及從婢三人後昭信病夢昭平等迺掘其尸皆燒之爲灰去與昭信旋亦誅死王莽作焚如之刑燒陳良等亦遂誅滅

魏文帝終制畧曰喪亂以來漢氏諸陵無不發掘至迺燒

取玉柙金縷骸骨并盡是焚如之刑也豈不重痛哉

東海王越亂晉



石勒剖其棺焚其尸曰亂天下者此人也  
吾爲天下報之夫越之惡固宜至此亦石  
勒之酷而忍爲此也王敦叛逆有司出其  
尸於瘞焚其衣冠斬之所焚猶衣冠耳惟  
蘇峻以反誅焚其骨楊元感反隋亦掘其  
父素冢焚其骸骨慘虐之門旣開因以施  
之極惡之人周禮秋官掌戮凡  
殺其親者焚之然非治世  
法也隋爲仁壽宮役夫死道上楊素焚之  
上聞之不悅夫淫刑如隋文且不忍焚人  
則痛莫甚於焚人者矣蔣元暉瀆亂宮闈  
朱全忠殺而焚之一死不足以盡其罪也



然殺之者當刑焚之者非法非法之虐且不可施之誅死之罪人况可施之父母骨肉乎世之施此於父母骨肉者又往往拾其遺燼而棄之於水則宋誅太子劭逆黨王鸚鵡嚴道育既焚而揚灰於河之故智也慘益甚矣而或者適以焚人爲佛法然聞佛之說戒火自焚也今之焚者戒火邪人火邪自焚邪其子孫邪佛者外國之法今吾所處中國邪外國邪有識者爲之痛惋久矣今通濟寺僧焚人之親以罔利傷風敗俗莫此爲甚天幸廢之何可興之欲



望台慈矜生民之無知念死者之何罪備  
榜通濟寺風雷已壞之焚人亭不許再行  
起置其於哀死慎終實非小補然自宋以  
來此風日盛國家雖有漏澤園之設而地  
窄人多不能徧葬相率焚燒名曰火葬習  
以成俗謂宜每里給空地若干爲義塚以  
待貧民之葬除其租稅而更爲之嚴禁焚  
其親者以不孝罪之庶乎禮教可興民俗  
可厚也烏虜古人於服器之微猶不敢投  
之於火故於重也埋之於杖也斷而棄之  
况敢焚及於尸柩乎茶毗之教始於沙門



塞外之風被於華夏辛有之適伊川其亦

預見之矣為國以禮後王其念之哉列子言秦

之西有儀渠之國者其親戚死聚柴積而焚之熏則煙上謂之登遐然後成爲孝子

荀子言氏羌之民其俘也不憂其係纍而憂其死不焚也蓋西羌之俗有之

尤氏侗曰火葬之俗斷宜禁止凡人親柩

在家忽遭火起必痛哭呼號竭力扶出之

不幸被焚則羣罪爲不孝况舉父母之尸

自焚之乎惟浮屠氏以茶毗爲常惡有禮

義之人而比邱其親者乎

論洗骨葬 趙氏翼曰時俗愚民有火化

其先人之骨者謂之火葬顧寧人已詳言



其凶慘然又有洗骨葬者凶悖尤甚江西  
廣信府一帶風俗既葬二三年後輒啟棺  
洗骨使淨別貯瓦餅內葬之是以爭風水  
者往往多盜骨之案余友沈倬其幸上饒  
見庫中有骨數十具皆盜葬成訟貯庫者  
按南史顧憲之傳憲之爲衡陽內史其土  
俗人有病輒云先亡爲禍迺開冢剖棺水  
洗枯骨名爲除祟則此惡俗由來久矣  
黃氏宗義曰問者曰地苟不吉遷之可乎  
曰支解之慘夫人知之入土之尸棺朽骨  
散拾而置之小槨其慘不異於支解何如



安於故土免戮尸之虐乎况吉不吉誰能知之卽不吉亦不可遷也

按此論痛言拾骨之害亦與論

遷葬相發明

論停喪不葬張氏爾岐曰葬之習於侈也於是久而不克葬者是徒知備物豐儀之爲厚其親而不知久而不葬之大悖禮也先王之制喪禮始死而襲襲而斂三日而殯殯而治葬具其葬也貴賤有時天子七月諸侯五月大夫三月士踰月先時而葬者謂之渴葬後時而葬者謂之怠喪其自襲而斂自斂而殯自殯而葬中閒皆



不治它事各視其力日夕拮据至葬而已  
以爲所以計安親體者必至乎葬而始畢  
也龔也斂也殯也皆以期成乎葬者也殯  
則不可不葬猶之龔則不可不斂斂則不  
可不殯相待而爲始終者也故不可以它  
事閒也今有人親死踰日而不龔踰旬而  
不斂踰月而不殯苟非狂易喪心之人必  
有痛乎其中者矣至於累年而不葬則相  
與安之何也殯者必於客位所以賓之也  
父母而賓之人子之所不忍也而爲之者  
以將葬故賓之也所以漸卽乎遠也殯而



不葬是使其親退而不得反於寢進而不

得即於墓不猶之客而未得歸歸而未得

至者歟非人事之至難安而人子之大不

忍者歟

晏子春秋生者不得安命之日喪蓄憂死者不得葬命之日蓄哀

服小記曰久而不葬者惟主喪者不除其

餘以麻終月數者除喪則已孔氏曰久而

不葬謂有事礙不得依月葬者則三年冠

服身皆不得祥除主喪者謂子為父臣為

君妻為夫孫為祖

父歿持重

皆為喪主不得除

也其餘謂期以下至總也

劉世明日眾子雖非喪主亦不

得除

張憑謂已嫁之女猶不

得除天性難可盡奪疑則從重孔叢子司



徒文子問於子思曰喪服既除然後迺葬則其服何服子思曰三年之喪未葬服不

變除何有焉

司馬溫公葬論亦云

迺知古之人有不

幸有故不得葬其親者雖踰三年不除服其心所痛在於未葬以爲與未及三月者同實也與未及三月者同實斯不得計時而卽吉矣何也喪之卽吉始於虞而成於禫虞之爲禮起於既葬送形而往迎精而反故爲虞以安之未葬則無所爲而虞不虞則卒哭而祔皆無所爲而舉卒哭與祔不得舉又何爲而可以練何爲而可以祥



且禫故雖踰三年與未及三月者同實也

未及三月而欲舉祥禫之禮行道之人弗

忍矣

喪服小記三年而後葬者必再祭注云謂練祥也葬月虞明月練又明月

祥劉世明曰禮虞而在楣剪屏練而毀廬居聖室祥而席禫而牀今此虞及練祥雖為局促猶追償其事若在異月以其本異歲也練祥之服變除之宜宜如其節也

斯其所以可以除而弗除與斯其所以寧

斂形還葬縣棺而封而必不敢為溢望奢

求以至於久而不葬也歟不然古之人豈

不欲厚其親者哉盡人皆子也生事顯榮

死葬華盛盡人之子皆有是心也尊卑制

乎分盈絀限乎力斯誠不可如何者耳孟



子不云乎不得不可以爲悅無財不可以爲悅奈何以欲厚其親之心反使其親久客而不得卽於安豈非所謂去其小不備而就大不備者乎盍亦思所以變計乎

陳氏可大曰以麻終月數者期以下至總之親以主人未葬不得變葛故服麻以至月數足而除不待主人喪後之除也然其服猶必收藏以俟送葬也夫未葬之喪期以下至總之親且不得變葛而爲之子者迺循葬畢之制而練而禫是則今之人其無父母也久矣 顧氏炎武曰停喪



之事自古所無自建安離析永嘉播竄於是

是有不得已而停者常煒言魏晉之制祖

父未葬者不聽服官晉書慕容儁載記而御史中

丞劉隗奏諸軍敗亡失父母未知吉凶者

不得仕進宴樂皆使心喪有犯君子廢小

人戮通典生者猶然况於既歿是以兗州刺

史滕恬為丁零翟所殺尸喪不反恬子羨

仕宦不廢論者嫌之南史鄭鮮之傳鮮

除喪三十餘年不關人事齊高帝時烏程令顧昌元坐

父法秀宋泰始中北征尸骸不反而昌元

宴樂嬉游與常人無異有司請加以清議



南齊書  
本紀

振武將軍邱冠先爲休甯茂所殺

喪尸絕域不可復尋世祖特勅其子雄方

敢入仕

河南氏  
羌傳

當江左偏安之日而猶申

此禁豈有死非戰場棺非異域而停久不

葬自同平人如今人之所爲者哉晉書賀

循爲武康令俗多厚葬及有拘忌回避歲

月停喪不葬者循皆禁焉舊唐書顏真卿

傳時有鄭延祚者

新書朔  
方令

母卒二十九年

殯僧舍垣地真卿劾奏之兄弟終身不齒

天下聳動冊府元龜後周太祖廣順二年

十一月丙午勅曰古者立封樹之制定喪



葬之期著在經典是爲名教泊乎世俗衰  
薄風化陵遲親沒而多闕送終身後而便  
爲無主或羈束於仕宦或拘忌於陰陽旅  
櫬不歸遺骸何託但以先王垂訓孝子因  
心非以厚葬爲賢只以稱家爲禮埽地而  
祭尙可以告虔負土成墳所貴乎盡力宜  
頒條令用警因循庶使九原絕抱恨之魂  
千古無不歸之骨措紳人士當體茲懷應  
內外文武臣僚幕職州縣官選人等今後  
有父母祖父母亡歿未經遷葬者其主家  
之長不得輒求仕進所由司亦不得申舉



解送而宋史王子韶以不葬父母貶官劉

曷兄弟以不葬父母奪職

並本傳

後之王者

以禮治人則周祖之詔魯公之劾不可不著之甲令但使未葬其親之子若孫搢紳不許入官士人不許赴舉則天下無不葬之喪矣 又曰魏劉仲武娶母邱氏生子

正舒正則及母邱儉敗仲武出其妻

司馬師夷

儉三族故仲武出妻

更娶王氏生陶仲武爲母邱氏

立別舍而不告絕及母邱氏卒正舒求耐葬陶不許正舒不釋服訟於上下泣血露骨衰裳綴絡數十年弗得以至死亡宋海



虞令何子平母喪去官哀毀踰禮屬大明

孝武帝  
年號

末東土饑荒繼以師旅八年不得

營葬晝夜號哭常如袒括之日冬不衣絮

夏不就清涼一日以米數合爲粥不進鹽

菜所居屋敗不蔽風日兄子伯興欲爲葺

理子平不肯曰我情事未申天地一罪人

耳屋何宜覆蔡興宗爲會稽太守甚加矜

重爲營冢壙

朱子采入小  
學善行篇

梁殷不佞爲武

康令會江陵陷而母卒道路隔絕不得奔

赴四載之中晝夜號泣及陳高祖受禪起

爲戒昭將軍除婁令至是四兄不齊始迎



喪柩歸葬不佞居處禮節如始聞喪若此者又三年唐歐陽通爲中書舍人丁母憂以歲凶未葬四年居廬不釋服冬月家人密以氊絮置所眠席下通覺大怒遽令撤之元孫瑾父喪停柩四載衣不解帶此數事可爲不得已而停喪者之法 劉氏榛曰或問王制大夫士庶人三月而葬左氏曰大夫三月士踰月宜何從曰檀弓引子思之言三月而葬凡附於棺者必誠必信不言大夫也蓋三月亦通禮矣曰今人以速葬爲愆於親何也曰非也喪服小記曰



報葬者報虞報急速也不待三月而葬先  
王且許之又何愬之與有爾雅曰鬼之爲  
言歸也不歸於土猶旅人不歸於家其不  
予親以安可知也故律云惑於風水及託  
故停柩在家經年暴露不葬者杖八十出  
禮入律人子可不惕然懼乎若夫曠歲年  
而若無事焉者是棄其親而已矣故釋名  
曰葬不如禮曰埋不得埋曰棄 王氏復  
禮曰葬不當貪風水也司馬溫公云今之  
葬書迺相山川岡畝之形勢考歲月日時  
之支干以爲子孫貴賤貧富妖壽賢愚皆



系焉舉世惑而信之於是喪親往往久而  
不葬問之曰歲月未利也又曰未有吉地  
也至有終身累世而不葬遂棄失尸柩不  
知其處者烏虜可不令人深歎憫哉夫先  
王制禮未葬不變服食粥居倚廬哀親之  
未有所歸也既葬然後漸有變除今之人  
背禮違法未葬而除喪從宦四方食稻衣  
錦飲酒作樂其心安乎人之貴賤貧富壽  
死系於天賢愚系於人固無關預於葬就  
使皆如葬師之言爲人子者方當哀窮之  
際何忍不顧其親之暴露迺欲自營福利



邪吾家葬太尉公族人皆曰不詢陰陽此必不可吾兄伯康無如之何迺曰安得良葬師而詢之族人曰近村有張生者良師也兄迺召張生許以錢二萬曰汝能用吾言吾俾爾葬不用吾言將求它師張生日惟命是聽於是兄自以己意處歲月日時及壙之深淺廣狹道路所從出皆取便於事者使張生以葬書緣飾之曰大吉以示族人族人咸悅無違異者今吾兄年七十九以列卿致仕吾年六十六忝備侍從宗族之從仕者二十有三人視它人之謹用



葬書未必勝吾家也前年吾妻死棺成而  
斂裝辦而行壙成而葬未嘗以一言詢陰  
陽家汔今亦無它故吾嘗疾陰陽家立邪  
說以惑眾爲世患故爲諫官時嘗奏乞禁  
天下葬書當時執政莫以爲意今著茲論  
俾後之子孫葬必以時欲知葬具之不必  
厚視吾祖欲知葬書之不足信視吾家程  
正公云卜其宅兆卜其地之美惡非陰陽  
家所謂禍福也地之美者則神靈安子孫  
盛若培壅其根而枝葉茂理固然也地之  
惡者則反是然則曷謂地之美者土色之



光潤草木之茂盛迺其驗也父祖子孫同  
氣彼安則此安彼危則此危亦其理也而  
拘忌者惑於擇地之方位決日之吉凶不  
亦泥乎甚者不以奉先爲計而專以利後  
爲慮尤非孝子安厝之用心也楊誠齋云  
郭璞精於風水宜妙選吉地以福其身以  
利其子孫然璞身不免於刑戮而子孫卒  
以衰絕則是其說已不驗於其身矣而後

世方且誦其遺書而尊信之不亦惑乎

按沈

石田過郭公墓詩云水走沙翻豈可居先  
生卜此意何如日中劫莫逃兵解天下人  
猶信葬書與誠齋命意正同  
黃勉齋與友人書云家兄



以爲蔡季通篤信風水卒無解於身竄子  
死之禍惟呂東萊真是大賢見得甚明白  
黃梨洲云葬地之說君子所不道就其說  
而論之今凡三變每變而愈下周官之法  
無言形法者已爲變矣再變而爲方位形  
法理之顯者也方位理之晦者也三變而  
爲三元白法方位一定不易者也三元白  
法隨時改換者也其法卽歷書所載一白  
二黑三碧四綠五黃六白七赤八白九紫  
六十年爲一元三元凡一百八十元起  
一白中元起四綠下元起七赤逆布以求



直年直年移入中宮順飛八方此卽太一家鈞宮直事也然太一百二十年爲一元三元計三百六十年今三元兩周太一之三元方一周其吉凶何所適從乎太一言天星今以言地理天星周流不息地理融結有常不可同也且年白改換吉凶亦改換充彼之說以求吉地必一年一改葬然後可是故方位者地理中之邪說也三元白法者又邪說中之邪說矣 徐氏乾學曰古者墓不擇地周官墓大夫職曰凡邦墓之地域爲之圖令國民族葬而掌其禁



令蓋萬里墓地同處墓大夫爲分其域亦如冢人以昭穆定位次而預爲之圖新死者則授之兆是故自天子以下七月五月三月踰月之期無或愆者惟宅兆已定而無所容其擇也獨孝經有云卜其宅兆而安厝之夫卜則有吉凶有棄取是亦擇矣疑與周禮之言不合不知世數無窮而地域有限子姓繁衍安能盡容其勢必至於改卜又從它國遷來者是爲別子始造塋亦須卜成子謂慶遺曰我死則擇不食之地而葬我焉正此類也豈後世人卜一邱



之謂哉自秦罷封建宗法不行族葬之禮  
遂廢去聖久遠邪說蝟起淫巫瞽史得簧  
鼓其閒漢武帝時聚會占驗卽有所謂堪  
輿家班固藝文志五行家有堪輿金匱十  
四卷又形法家有官宅地形二十卷葬書  
蓋萌芽於此而張平子冢賦述上下岡壟  
之象畧如今葬書尋龍捉脈之爲者至東  
晉郭璞專攻其術世迺依託爲青囊之書  
轉相熒惑其毒遂橫流於天下唐太宗命  
呂才著論以深闢之竟不能止爲人子若  
孫者怵於禍福之說延葬師求吉壤剖析



地脈斟酌向背諏選年月日時貧者不能  
擇地富者擇之太詳於是祖父之體魄暴  
露中野有終身不葬累世不葬者昔司馬  
文正爲諫官奏乞禁天下葬書而張無垢  
律葬巫以左道亂政假鬼神時日以疑眾  
之辟蓋痛心疾首於世俗之所爲冀迷者  
之一悟也然自孝經有卜宅安厝之文雖  
程朱大儒亦以爲地不可不擇程子以土  
色光潤草木茂盛爲吉地之驗而又言五  
患當避五患謂他日不爲道路不爲城郭  
不爲溝池不爲貴勢所奪不爲耕  
犁所及也朱子云須形勢拱揖環抱無空缺處



迺可用但一鄉之地求其形勢環抱而五  
患永絕者何可多得昔晉有九原漢有北  
邙凡國家之冢墓萃焉今則高陵平原地  
盈數頃而葬師謂所乘者止一綫之氣僅  
容一人之棺餘皆爲彼法所棄而不用如  
此則舊冢未沒新冢日多安所得千百美  
地而給之吾故謂周官之法卽不可復而  
宋趙季明族葬之圖不可以不講也誠使  
季明之說行則兆域素定葬可如期惟數  
世之後地不能容迺始改卜爲子若孫者  
禍福之念無所動於中則葬師不得操其



柄此按太塞源之論可以矯俗而歸諸厚  
司邦教所當畱意也 朱氏軾曰近世士  
大夫有累世數棺不葬者詰其所以則有  
三焉一曰家貧不能葬喪之需斂殯也未  
聞有因貧而委其親不斂不殯者亦旣斂  
且殯矣何有於葬一曰不得葬地古者按  
圖族葬其地皆在國都之北夫何擇焉一  
曰時日不利禮三月而葬是不擇月也春  
秋九月丁巳葬定公雨不克葬戊午日昊  
迺克葬是不擇日也鄭葬簡公毀當路之  
室則朝而塋不毀則日中而塋是不擇時



也竊謂不葬之患有二其不可者有三古者塗殯以防火也久庵中堂固難防守厝之荒野又保無意外之虞乎其患一木受風則裂漆乾久則脫甚或蛀朽至於檢骨易棺子心其何以安其患二葬者藏也欲人之弗見也今有寶貴之物囊之篋之又從而扁鏽之未已也必藏之密室而後無患殯而不葬是緘寶而置之道路也人子愛親曾不如道路乎其不可者一始死而襲而斂而棺槨凡爲葬計也棺而不葬何異不棺不斂乎與其不葬也寧葬而裸其

不可者二既葬而虞以安之也不葬矣又  
何虞焉不虞則卒哭祔舉無所用之不葬  
者將不卒哭乎祔乎不祔乎祥而禫乎否  
乎服不除不祭禮也將蒸嘗之祀可終廢  
乎葬而後有虞主祥而後有練主主祔廟  
則遷其當祧之主而改承祀之名既不葬  
將終不遷乎其不可者三也今律有停柩  
之罰卒鮮舉行者若禮官由暴露之禁請  
於 朝著爲令有除服未葬者仕宦不授  
官生儒不與試授官者以某年月日成服  
某年月日安葬某所某年月日服除列於



狀仍取族隣及墓地人結狀其詭言已葬者事發以匿喪論連坐與結之人若士民許族隣首其罪庶乎人人知警矣

論旣葬屢遷 楊氏暉吉曰近世泥陰陽之術恣富貴之求而不計先靈之安妥與否者以遷葬爲最夫人不忍其親體之未安也於是乎慎擇地避隰從原就燥防溼又恐朝市變遷泉石交侵不可前知此古人卜葬所以謀之龜筮也其後惑於堪輿之說尋龍指穴擇日諏時不顧停閣歲年惟慮身之不富貴後之不昌熾者旣葬之

後或少不適意輒歸咎於墓地使然一遷  
不已至於再三夫親體不安而子心獨能  
安乎聖賢之教惟聞積德我德不積雖吉  
地亦凶我德既積豈地所能制妄肆營遷  
以泥於不可知之說是猶求食而舍其田  
也吾見其屢遷而屢蹶者數數矣未見其  
富益富而貴益貴也曰然則皆不可遷與  
曰不然寄客歸里則宜遷防備崩潰則宜  
遷知有水蟻則宜遷是皆爲親而非爲己  
也大率以慎終爲要耳 吳氏榮光曰儀  
禮喪服云改葬總旣制改葬之服則葬非



必不可改者然鄭注云改葬謂墳墓以它  
故崩壤將亡失尸柩者賈疏云它故者謂  
若遭水潦漂蕩之等然則非水潦漂蕩尸  
柩將亡斷無因求謀吉地而改葬者蓋旣  
葬而改爲子孫者萬不得已之舉故宋政  
和禮明會典皆云凡有改葬者皆具其事  
目聞於官勘驗得實聽之亦以爲不當改  
而改者禁也 國朝雍正十二年定例云  
除民間有將已葬棺槨依禮改葬者聽其  
自便外其有偏信地師之說無故改葬地  
方官須先出地師不得隱諱寬縱然則改

葬雖例所不禁而爲地師所惑至以先人骸骨求福利者則不孝之子孫固當與牟利之地師同從重論矣



南海九江朱氏家譜卷九終